

鵝洲申氏去歲

鵝洲世獻輯略序

世獻之作於古有之其曰宋微子之洪緒孔氏之先系也漢太史之世家馬遷
之文範也潘岳之始於家風陸機之先於世德皆是事也余觀鵝洲世獻有所
感發惟帝降衷賦以孝廉忠信之德人人所同得而鵝洲氏世世相傳以為自
家所固有而光于前繼之後愈久愈長何以知其然也尚之丹密縣有孝子里
旌門至今行過必式即故高麗按廉使申公居廬尚書墓雙竹著異世襲趾美
而悔堂廬墓旌孝俱見三綱行實有如周慎齋鄭愚伏金鶴沙洪晚退李為庵
李孤山李大山李鋤谷蔡樊巖李訥隱權清臺李肯庵鴻儒宗匠皆深於道德
習於禮樂濡筆館閣以闡曠世之蹟一於公與是而有表顯于墓道記實于祠
院發揮景慕以俟百世而不惑矣虎溪家人翼煥梧峰家人炳哲彙輯世獻一
冊始於上系達于歷代總五十有餘賢遺文徽蹟照耀公傳或未刊藏在諸家
未易究觀所以汲汲於綴拾以待來者也謹就而論之虎溪扶倫正紀於為家

為國與其仲季晚悟懶齋從遊於寒旅之門磨礪予金清陰鄭桐溪趙龍洲李
蒼石崔訥齋傾蓋相推丙子亂以義兵將赴行在見時事大非就問山水間
以道學高明忠節卓異贈吏議士林俎豆梧峰八歲持母制如成人既大闡
正笏朝端鶴厓寒旅顧相愛重稱為第一人物金鶴沙贊曰鸞鳴桂樹鳳儀明
庭聞廢主遜位泫然流涕仁廟拜承旨以病辭後贈銓曹亞卿躋享藏待
書院忍齋承虎溪庭教遊泮宮以六行被選館儒敬服孤松承梧峰庭訓力學
拳蓮攀桂徽垣栢府清肅朝綱振發儒風晦屏陶窩藉梧松緒業述先世牒有
小識慮或後世有推移混淪也得湖上真詮模楷儒教陶窩傳晦屏旨訣閱觀
諸賢懿行論著有通顯名籍軒冕當世亦有隱居求道厚受來學皆以孝率性
名教之內園林田宅相望如洛中大家不能一一備攷翼煥炳哲責不佞書于
卷端余以藐然晚生景仰外氏之家世不敢以匪其人辭就諸世獻編中前人
之述敦慎謹嚴不揆僭越略叙寓慕之忱外裔全州柳東翼謹序

鶴洲世獻輯略上目錄

一世諱英美高麗權知戶長公

祭按廉使申公墓文

四世諱允濡版圖判書公

先祖高麗按廉使府君事蹟拾錄

忠烈朝進啓

遺墟碑銘 并序

五世諱祐按廉使公

過先祖館洞遺墟有感

墓表

輿地勝覽

豎碣告由文

護軍職帖

居廬圖

雲仍之顯錄

雙竹圖

涑水書院景賢祠上梁文

題雙竹圖

景賢祠記

旌閭碑

景賢祠奉安文

寒食謁蛇浦先塋

涑水書院常享祝文

涑水書院奉安時告墓文

九世諱俊禎從仕郎訓導公

涑水書院明倫堂重修上梁文

訓導職牒

涑水書院明倫堂重修記

九世諱始生上將軍公

杜門洞書院抗節班奉安文

墓碣陰記

常享祝文

十世諱壽處士公

六世諱光富內府令公

墓誌

附卞春亭祭文

十世諱介甫司直公

七世諱士廉彥陽縣監公

墓碣陰記

餘美職牒

十一世諱元祿梅堂公

彥陽職牒

自嘆

八世諱錫命成均生員公

遊中臺寺

月中桂詩

癸丑冬在洛不禁思親之淚因与

一絕

十一世諱翰判決事公

述懷

墓碣陰記

客中

十一世諱椿年典涓司祭奉公

書懷

墓碣銘并序

旅館書懷

十二世諱仙興溪公

思家

墓誌

碎席口占一絕

十二世諱化城隱公

慈母影幀識

示諸子

行狀

仲男聞喜宴口呼小詩以警之

藏待書院奉安文

吾見世人勤苦營產以遺子孫止

常享祝文

遂因俚語而為之歌

藏待書院風詠樓上梁文

志感

從子泳道失火有感而作

鶴沙金公和詩

偶吟

墓表

墓表

墓表後叙

贈淑夫人順天朴氏行錄

丹邱書院尚德祠奉安文

附輓詞一篇

常享祝文

十二世諱應奎叅判公

採微軒移建記

墓碣陰記

採微軒重建上梁文

十三世諱適道虎溪公

十三世諱達道晚悟公

晉甫

悅道

弟與金孝徵應祖自葛

書手板

山來到止遂和淚以次

聽鷄

附原韻

墓碣銘并序

晚悟公和詩

十三世諱志道三栢堂公

墓誌

悵然乃覺

十三世諱悅道懶齋公

孟秋十九日述感懷

丙子胡亂在南漢園中寄諸兒書

記見

墓誌銘

并序

無題

丹邱書院奉安文

偶綴無體格

常享祝文

墓碣銘

并序

十三世諱夢得左承旨公

藏待書院廟宇上梁文

墓表

奉安文

吳氏墓前碣陰

常享祝文

十四世諱之悌梧峰公

十四世諱之問訓導公

夢見先君對燈笑語著半紫衣宛

事行拾錄

如早昔歡然如有得却念非真

十四世諱之信獨峴公

行略

憶末兒

鵝洲世獻輯略下目錄

歲時病未省墓悽感述懷

十四世諱塚忍齋公

家人告燈油之絕明松堂上男讀

泮中旅夜夢見親顏

書女執工各其職也士女當以

祭權湖陽先生文

勤儉為本因賦以勉之

墓碣銘 并序

次文吉 宗兄韻

丹邱書院尚德祠上梁文

輓申汝遠 志道

丹邱書院奉安文

申君垓卜居於新堤湖邊止仍次

常享祝文

其韻

十四世諱弘望孤松公

墓誌銘 并序

往在癸亥年先君養病于騰齋止

十五世諱鳳錫自足齋公

感舊之餘情見于詩

次任松軒世綱兄蝙蝠韻

歸家

十六世諱漢老宣教郎公

風雨

墓碣銘 并序

偶吟

十六世諱德潤止溪公

得友酒

挽李舊庵 厚謙

先君忌日

祭仲弟浩然文

示兒輩

附輓詞 五

自警

附祭文

墓碣銘 并序

十六世諱漢傑三知堂公

十五世諱禹錫芝軒公

墓碣銘 并序

行狀

十七世諱叔範處士公

十五世諱禮錫百忍堂公

墓誌

事實

十七世諱義模仁智齋公

祭李君景復禮模文

祭伯兄宗烈文

祭再從兄二恥齋正模文

十八世諱聖龜東舉公

附祭文

東舉雜詠序

十七世諱正模二恥齋公

墓碣銘并序

八智齋舍記

十九世諱道三獨慎堂公

十八世諱復龜雙碧堂公

獨慎堂記

雙碧堂記

十九世諱道天亭亭亭公

十八世諱震龜竹厓公

附題亭亭亭詩

墓誌略

十九世諱昌道竹隱公

十八世諱夏龜湖翁公

竹隱精舍記

枕流軒記

二十世諱重仁龜洞公

十八世諱東烈處士公

墓表

二十世諱體仁晦屏公

二十一世諱鼎周陶窩公

惜黃花

憶第

遺事

夜與文朴諸族拈韻共賦

二十世諱立仁懼菴公

與稷谷宗中書

自戒以貌取人

墓碣銘并序

懼菴銘并序

二十二世諱祖舜養浩堂公

二十世諱學泓敬易齋公

以慎色自警

鑑厓精舍記

二十一世諱鼎沃以餘公

墓誌銘并序

二十一世諱鼎梅龜窩公

家狀

鵝洲世獻輯略目錄終

凡例

一鵝洲世獻原不止此而今姑止此因名輯略

一吾申自始祖戶長公以下三四世固多祀宋至按廉府君乃以孝開基而一門五旌孝未始不由乎遺風餘韻也茲可及的務取關孝文字以為子姓勸戒之地

一傳來文獻不免或有點化魚魯處故須一一勘覈圖存真面目

一碣文有極簡者乃出於古朴質實之風亦可師範處後之覽者勿以短少而輕忽之可也

一序世且序派姑未能一一序齒覽者諒焉

鵝洲世獻輯略上

一世諱英美高麗權知戶長

四世諱允濡版圖判書

忠烈朝進啓

高麗忠烈王六年庚辰據檀紀四二九一年戊戌則六百七

宣申允濡除版圖判書兼軍器寺別檢校事夏六月丙申元皇帝以東國所上

表似或作語涉不敬詔徵撰表人撰表人皆以計或作謀避之不欲行版圖

判書申允濡進啓其略曰伏以方今國事無可為已凡為臣者不避夷險以循

或作王職是固其分也今廷臣當彼元或字困我之日鼠畏狼顧爭自謀回思

全身若千金之重志為國如弊屣或作之賤終無一人臨難或作者如是而國

將何休或作臣請斬其輕國愛身之輩以厲其餘或字擇遣或字能事專對之

人使不生患或作幸甚於是命集賢殿提學柳得或作韶等四人于獄或字七

月甲子遣政堂文學李仁英或作魏元凱等赴京師

五世按廉使

墓表

尚之轄丹密縣傍有小石碑立路左刻曰孝子里故老相傳以為按廉使申公所居也過者敬之謹按公諱祐仕高麗官至掌令嘗為全羅道按廉使麗朝故事以時分遣近侍于諸道祭告山川廉問民俗黜陟守令之幽明名之曰按廉使蓋極一時之選也公處昏濁之世能皎潔持身事父母盡孝父版圖判書諱允濡卒廬墓三年朝夕號于墓有雙竹生于墓前人以為孝感事 聞旌閭以孝子名其里事在國乘及輿地勝覽公有二子曰光富光貴光富有二子曰士贊士廉士廉為彥陽縣監其玄孫元祿又以孝行趾公美 旌閭公之八世孫今侍講院文學達道氏與余友甚善一日以家狀示余而言曰吾先祖歿已數百年矣衣冠之藏在所居東十里許蛇浦宛向之原而墓道無恙子孫又散居

遠地展省不能以時恐遂久湮夷樵牧或登立隴則雖雲仍亦不得識其處况其卓絕之行又將泯泯無傳豈不悲且懼哉族兄承首公在世時暨余諸同宗謀伐石具硃碣未及樹而歿今願得公一語而剗之使先德顯於後則為賜大矣敢拜以請余惟按廉公之孝誠既已感鬼神而幹造化赫赫在人耳目奚待茲拙而傳顧余商鄉之末學而於公又外裔也於義有不得以辭者遂攷其狀而叙之如右其立朝歷官次序及居家行誼年代已遠而文蹟無徵不得以詳焉其子孫衆多亦不能盡錄略書于左見今在朝者文學君及其兄適道祥雲道察訪弟悅道禮曹佐郎其族兄承首公名曰之悌有文名取大科為士類所重不幸而不克壽有子名弘望進士文學君有子名圭圭皆俊秀而溫雅余所未及知者當亦不少申氏之祿蓋未艾也詩曰孝子不匱永錫爾類又曰君子萬年永錫祚胤非公之謂也耶嗚呼休哉

崇禎元年歲四月日正憲大夫行弘文館副提學知製教兼 經筵參贊官

春秋館修撰官藝文館提學 世子左副賓客鄭經世述

十世孫進士弘望書

豎碣告由文

恭惟我祖挺生麗季格天之孝高世之行雷轟宇宙輝映簡策至今三百年之久而墓道無表衣冠之藏逝將泯夷而莫知其處不肖諸孫為此之懼相與鳩財伐石且請於外裔今副提學鄭經世略記當日行蹟之一二刻之石而涓吉以豎用圖永久嗚呼香火之奉庶無替於來雲霜露之感曷有窮於是日謹以清酌庶羞庸伸虔告

八世孫通訓大夫 世子侍講院文學知製 教達道


居廬圖

護軍申祐尚州人父版圖判書允濡卒祐居廬三年有二竹生于墳前人以爲孝感所致 旌閭續三綱行實

按廉居廬圖



雙竹圖



我朝甘肅華西

雙竹圖

題雙竹圖

孟宗泣冬竹雪裏青荀生王裒攀墓柏樹枯春不禁人子荀盡道天必格至誠
 今看雙竹圖問是尚書塋尚書有是子寶樹振家聲湖節既化俗柏臺曾斐英
 墓側廬三年血淚哀惻惻至孝神亦知地祇有所呈亭亭碧玉竿異哉物之頑
 雙叢傍馬鬣侍立如弟兄其實鳳凰食其節松柏爭所以感於孝欲與孝子并
 爰除築墻地不因根本萌苞矣豈偶然效異通靈精王立塚塚外倚倚卓敷莖
 樹德似於賢凜然瘦骨勁葉露如淚滴林禽為哀鳴聲寒野風吹影淒山月晴
 生何并孤此理吾且明後於按廡者世有香陸名其枝本乎根孫亦祖攸行
 寢郎及子姪善行俱可評炷掌侍母疾祈天達五更身以當白刃賊虜猶人情
 天教鵲擊雉王雀比豈輕一家三斷指門閭宜寵旌如竹不待培天性非琢成
 先人美其事文字炳縱橫鄉黨聳瞻聆人人歎且驚家行永不墜庶或裨世程
 孝以傳苗裔何須金滿贏至今孝子里片石何崢嶸餒食景賢祠春秋薦犧牲

烏州世狀卷一

按廡使公

復觀三綱錄芳名若蘭衡人誰無父母世多鷓鴣啼嗟我幼失慈愛他遺君愛所怙亦已矣白首悲孤榮撫圖憶古人潛然露我纓

辛亥三月下澣進士南陽洪錫箕

旌閭碑 在丹密館洞里

孝子里刻石高麗奉常大夫司憲府掌令全羅道按廉使申祐之閭

寒食謁蛇浦先塋

古人雨露感此日尤傷情寒食忠臣淚故國杜宇聲心同圍治節志合夷齊清忠義根於孝血淚徹佳城呈異雙筭抽地祇感至誠棹楔輝閭里畏壘潔犧牲苟非情義深胡能乃爾禎耳孫悽愴久不但感楸塋 九世孫進士塚

祭按廉使申公墓文

維太歲丙申某月某日某甲知縣事順興安應昌謹使幼學某敬祭于故高麗孝子按廉使申公之墓伏以維標之潔維孝之至奉親之誠一於養志

生而致敬歿而過毀三年墓廬日夕血淚神明鑑臨感其至意忽有雙竹寔生幽隧厥孝攸格植物效異事聞于 朝表閭褒美片石有刻名孝子里聞風敬敬庸奠薄具

先祖高麗按廉使府君事蹟拾錄

先祖諱祐姓申氏系出鵝洲高祖諱英美權知戶長曾祖諱晉升散員同正祖諱得昌令同正考諱允濡仕高麗 忠烈朝官版圖判書清名直節表顯當世人比之唐介元皇帝以東國表牋不敬徵撰表人人皆畏避不行判書公挺身進啓曰國事無可為己凡為人臣者不避夷險以循王職是固其分今廷臣鼠畏狼顧爭自謀免思全身若千金之重忘為國若弊廬之賤如是而國將何保臣請斬輕國愛身之輩以厲其餘遣能事專對之人使不生患 王嘉納事在麗史妣星州李氏持平壤之女先祖居尚州丹密縣館洞里以孝廉進官奉常大夫司憲府掌令全羅道按廉使 忠惠王二年辛巳拜神虎衛保勝攝護軍

謹按以則當稱 教首年朝攷夫麗史高麗故事遣近侍于諸道祭名山大川糾察民

風專制一方黜陟幽明是為按廉使如今御史觀察使非清峻有重望者未或

應選也先祖廉介正直得自家庭出入臺憲察案震縮按節宣化貪污解印及

世季政亂見時事日非著與俯仰高蹈遠引人之稱之者或謂立朝而風采震

一代之聲或謂風霜灑塗棠映御史之節或謂甘心韜晦得行藏之道也世傳公與

始隱携手同歸而無 先祖事親至孝出於天性判書公卒廬墓三年朝夕號泣

血淚徹土有雙竹生墓前人謂孝感事 聞旌閭名所居里曰孝子里事在麗

史及輿地勝覽續三綱行實今遺墟路傍有小石碑刻孝子里三字知是 旌

表時所建過者加敬孝子里西西書作東距數里有洞名清慎判書公墓嘗在是洞

而世代寢遠誌碣無徵不幸失其墓至今密人相傳為居廬洞云先祖墓在孝

子里東十里許蛇浦兌向之原愚伏鄭先生表墓道曰昏濁之世能以皎潔持

身又曰公之孝誠感鬼神幹造化赫赫在人耳目其後愚伏蒼石沙西諸先生

又議立景賢祠祀之號曰涑水書院鶴沙金先生撰奉安文曰本立道生至誠

感神湖西進士洪錫箕作雙竹圖歌略曰湖節既化俗柏臺曾蜚英至孝神亦

知地祇有所呈乃知孝子心與竹同其貞密自先祖以後號多孝子至今閭里

間多異蹟繼起棹楔相望論者謂自吾祖發之也配若木柳氏崑山府院君益

貞女有二子長曰光富內府令次曰光貴知鳳州事內府有子曰士贊后孫居

遺墟曰士廉彥陽縣監彥陽有玄孫元福參奉以孝友稱元祿 贈參議號悔

堂孝行趾公美亦居廬三年 旌閭享義城藏待書院參奉有曾孫埶文科縣

監以清白稱悔堂有子仁監察佖 贈承旨稱孝友佖有子適道察訪號虎溪

丁卯丁丑倡義達道修撰 贈承旨號晚悟丁卯斥和悅道正言號懶齋孝友

有文章晚悟有子在泰仁縣監圭文科佐郎泰仁有孫濂以孝 贈持平鳳州

有子曰希信丹陽郡守曰希忠河東縣監曰希敬丹陽有曾孫介甫司直用甫

果川縣監命周扶餘縣監有玄孫謙參奉有子應祥參奉司直有子幹直長翰

贈判決事直長有子百齡參奉有孫格檢榷參奉有曾孫之禮之亨直長之
仁司宰監正之益參奉母病炷掌祈天之仁有子缺親病鵲擊雉之益有子鐔
倭擊父以身受刃三人并以孝 旌閭判決有子應奎參奉 贈參判參判有
子夢得 贈承旨承旨有子之孝有士望載聞韶誌死壬辰倭刃臨絕血書寄
弟勉死 國之悌文科承旨錄壬辰勲 贈參判號梧峰有德行文章至孝廬
墓亦享藏待書院之信以孝友稱亦載聞韶誌梧峰有子弘望文科正言號孤
松遊旅軒門見稱以春風和氣果川有子椿年參奉有子暹龍宮縣監其
餘不能盡錄今以鵝洲為氏者皆祖於按廉嗚呼我先祖以超世拔倫之操雖
未得致位卿相究展所蘊然歷敷清顯追繼家聲風裁凜然有足動人百行之
源垂範後世子姓鄉黨相繼興行想平日至行懿德不止如右所記者其餘律
身御家立朝居官前後事蹟想多超偉可傳而時代絕遠無籍可据至如表德
履歷及生卒月日并不可記子孫之追恨固無窮意昔修撰公嘗畫狀求墓表
於鄭先生宜有遺草而逸不傳諸宗父兄相與發歎乃命體仁俾修狀錄一通
體仁以寡聞末裔何足以闡發潛光而旁搜極攷惟舊籍所顯載者是採不敢
附以無稽謹俟裁取於來後云爾

上之四十一年乙酉仲春上浣十五世孫體仁

遺墟碑銘

并序

丹密尚之陬也地僻而偏宜無以章於世然有所謂館洞里碑之曰孝子里有
川橫其前稱之曰孝水川之上歸然而立者曰涑水書院蓋以麗朝按廉使申
公嘗居於此也竊稽麗乘士大夫無禮俗未有服三年者雖以朴尚衷之賢其
所以自異於人者不過食素朝堂耳公性至孝父卒終三年廬墓朝夕號于前
淚血至地有雙竹生墓前人以爲孝感事聞 旌其閭孟子曰不失其身而能
事其親者吾聞之矣失其身而能事其親者吾未之聞也公當麗季昏濁嘗以
按廉使專制湖南黜陟已而歸田里以終其身卽館洞里是已輿地誌曰皎潔

其身行藏能得其道嗚呼公之能事親盡其孝者豈非不失其身有以致之者耶公歿殆四五百年環密城孝子踵相接棹楔相望識者謂自公發之至若公之裔孫皆以孝友趾其熾今以最著者言之曰元福以孝友薦朝廷授一命曰元祿至孝旌閭享藏待書院曰適道曰達道曰悅道俱以孝友爲士林望而適道當仁祖丁卯丁丑倡義師達道斥和議悅道扈駕南漢帝以死自誓曰興孝以孝載密城誌屬錄曰之孝死壬辰倭刃臨絕血書寄弟勉死國弟曰之悌有孝友德行享藏待書院曰之益曰鐔曰缺皆以孝旌閭曰弘望以孝友清直稱曰濂贈持平以孝嗚呼何其盛也公之享涑水書院也愚伏蒼石沙西諸先生實主之而愚伏表其墓所以闡揚之無憾公之諸孫猶以公所居里久或湮沒謀伐石以文之幾世孫道通氏千里走京師屬濟恭記其事濟恭作而曰懿哉斯役也後之人式其閭不如師其人不如師其心師其心又莫先於百行之源如使人之過密城者因是石而慕其人慕其人以及

其心鄉而州州而國洞洞焉興於百行之源克底於比屋可封則是役也未必不爲之倡也其有補於風教大矣濟恭何敢辭公諱祐鵝洲人也公之父諱允濡官版圖判書有直節人比之唐介云銘曰亂邦不居跡何其潔也爲人盡分行何其篤也是維申按廉故里聞公之風者是效是則

上之緜四十一年乙酉嘉善大夫原任司憲府大司憲兼藝文館提學同知春秋館事蔡濟恭撰
烏川鄭忠敬書

過先祖館洞遺墟有感

密城孝子里棹楔是先閭四百年前躅十三世後居埋碑原已沒思竹墓誰書倚馬斜陽立村人說古墟
十六世孫鼎周

密城誌

高麗申祐應孝廉官至按廉使後遭世昏濁能皎潔其身可謂得行藏之道矣居廬三年泣血不輟雙竹生於墓前事聞于朝表飾門閭立石道周以孝子

名其里密城即丹密縣在高州東五十里有川名曰渭水世傳以為孝水縣東有鳳城書堂其上梁文曰孝子順孫按跡而出又曰孝水法法流一源

輿地勝覽

護軍申祐尚州人父版圖判書允濡卒祐居廬三年有二竹生于墳前人以爲

孝感所致事聞 旌閭

護軍職帖在彥陽宗孫漢清家

王音第一行 申祐為神肅第二行 漸保勝攝護第三行 軍者第四行 至正四年第五行 忠王後五

年甲申也 四月第五行 廿九日第六行

雲仍立顯錄一〇進文六〇〇享院十三〇不祧三〇白牌二十九〇紅牌十

孝烈按廉孝旌 (通)元祿孝旌興孝顯濂孝贈適南時潤烈旌適朴魯允烈顯

享院按廉 (色)靜隱鼎峰清齋悔堂虎溪懶齋忍齋 不祧(色)悔堂懶齋

小科(色)錫命生適道進連道生悅道進瑤生珠進在生圭進濂生德涵進重模

大科(色)達道生文悅道進文樹生文

守令(色)光富鐵府士贊縣令士廉步陽達道

涑水書院景賢祠上梁文

一邦遺化既醉心於當時百世不忘宜辦香於茲土即此規模之革舊忽焉風采之鼎新嘗觀昔賢經過之鄉必有後來瞻仰之所卧龍菴設諸葛之號偶然相符棲鳳院名道卿之行不過一宿茲皆出於好賢之攸篤矧今仁者遺澤之所存恭惟按廉申先生誠通鬼神本立忠孝血淚入土竹抽孝子之心風霜灑途棠暎御史之節惟其君子之居最近所以親炙其德尤深愚齋孫先生視民如傷澤物為利活我壽我福我出靈佛於西天慙斯勤斯問斯呼慈母於赤子不謂其暫留一日至于今永戴二天雖先後遠近之不同實觀感欣慕之無間去後遺愛猶知事生之薦虔即茲安靈敢昧尚賢之以禮載經營之爰始亦謀

度之自初尸祝以安已經諸老先生之指教民彝同好益見一縣多士之心勤
 覩梁虹之忽騰喜鳥革之如跋羣山卓立瞻氣像之峨峨大川彎回悟本源之
 混混牲幣俱潔二丁之享祀始修門墻益高諸子之依歸有所願有朋自遠而
 來者當見賢思齊而敬焉人無曰即亡瞻之在前仰之在上道如是而可入則
 為孝出則為忠無墜先輩之儀形益懋古人之事業助以善頌樂此成功
 拋梁東二子高名孝與忠莫謂典型今已遠表章將欲啓羣蒙
 拋梁南沫水晴光玉鏡涵獨樂園中當日樂請君須向此中探
 拋梁西山高萬頃豈能濟雖然勉勉無停步分寸攀緣自有梯
 拋梁北道波浩浩流無極沂洄如欲尋真源從此撐船各努力
 拋梁上水若增清山更爽當見洋洋知所趨莫令貿貿迷方往
 拋梁下倚檻平看千頃野不耕而穫非所聞務學當如務農稼
 伏願上標之後道一變而至魯已百能而加人左圖右書有朝夕游泳之樂上

棟下宇無風雨震陵之災但知聖賢之經訓箇舍不憂貧而憂道豈願富貴之
 膏梁文繡毋外馳而外營將使荒濱寂寞之餘庶覩盛際文明之化

通訓大夫司諫院正言李元圭

景賢祀記

商山治之東有密縣縣之西沫水上有祠焉乃申按廉孫愚齋兩先生揭虔尸
 祝之所也按按廉麗朝人也居家而雙竹著孝感之異立朝而風采振一代之
 聲俱載於三綱錄輿地誌古所謂可祭於社者豈不在於斯人歟愚齋去按廉
 最後而後是邦即本朝 中仁廟世臣也治為一代最而仁愛尤深於是縣也
 縣之人去思之無已碑頌之不足遂依狄梁公故事立生祠以寓其慕時則按
 廉餼享之典未舉焉蓋切於一時耳目之所及而百世以定之議則必有鄭重
 而不敢容易者亦有數闕焉洎于 萬曆壬辰之亂祠宇遺像蕩然於兵燹中
 越四十三年 崇禎乙亥重建而還安之於是縣中父老仍與之謀曰愚老遺

愛誠不可泯而以按廉淑行尚闕縉儀於蓋德旌異之地此吾輩之羞也盍亦
安其靈而并享之乎倡議者趙公光瑩權君堉孫君克昌也領其說而翕然以
定者愚伏鄭先生蒼石李先生沙西全先生也趾美而追述之者申臺省悅道
兄弟也擴實而揄揚之者李臺省元圭金大諫應祖也議克合遂從之廣其室
而合祀焉時大明崇禎甲申越十二年丙申歲冬十一月也是舉也吁亦盛
矣噫縣之轄於商境僻而地偏去州序最遠不有君子而爲之表準則小子後
生於何考德而興起哉兩先生存而樹風猷歿而著徽烈無是懿德則世惡知
節義之可尚無是崇奉則人孰知趨向之有方哉祀典之舉不舉在兩先生無
所增損而宇宙間公論至今日始定則諸公敦尚扶護之功有裨於風化也不
淺歟矣扶民彝植名教其自此根柢矣余之生世苦晚雖未得親炙於兩賢之
世而去賢人之居若此其甚近則聞其風仰其德亦莫吾若也齋舍諸君屬余
記其事余作而辭曰秉彝好德之誠心余不必後於人而若其叙事而記實則

自有其人焉余何敢當諸君屬愈懇不舍義不敢終辭遂舉其顛末而粗述之

通訓大夫司諫院正言權震翰

景賢祠奉安文

密於商顏實乃僻縣地偏以左庠學最遠不有君子曷樹風聲按廉挺世本立
道生至誠感神筍抽血泣大字鐫石赫赫前日愚老鸞棲文翁化蜀吳治登聞
徵黃霸增秩深仁厚澤泱民肥骨惟我兩賢先後揆一世遠人亡芳躅如昨民
彝同好報祀寧忽顧惟生祠制度疎略矧在鄉賢俎豆尚闕合祀并享先正遺
教迺卜新基有儼清廟溪山動色雲物增輝消吉妥靈酒香牲肥清明如在典
型維新庶幾歆格牖我後人

涑水書院常享祝文

持心廉潔守官忠直孝通天地誠貫雙竹本立道生千古準則鄉邦永慕歲薦
牲特

孝宗丙申十一月通政大夫司諫院大司諫金應祖

涑水書院奉安時告墓文

猗歟我祖挺生麗末嶽降之靈冰玉之潔得自家庭正直之節立朝崢嶸僚案震縮湖節剛明賊汚屏息匪風冽泉莫柰運訖自靖以獻志遂固僕惠以携歸甘心韜迹至孝格天血淚化竹鐫石數字萬世不泐表飾門閭赫赫耳目高蹈危行宜享芬必鄉後詢同建祠躋餼祭社古義有待今日雲仍感戴虔告冥漠八世孫 健元陵叅奉適道

涑水書院明倫堂重修上梁文

詠好賢之緇衣尚且弊予又改玩治蠱之義象可不圖厥新修矜紳聳觀山川增賁伏惟按廉使申先生尚書孝子麗氏名臣文獻不足徵猶傳御史清節父老以手指尚識上仁攸廬三時之哀哭徹天誠結寸草兩行之血淚著地精感雙鶴何論王栢之自枯不啻孟荀之呈異長江滾滾湖百行之淵源片石成我

景二字之里號盡觀彼南閩之楔蓋聞我先生之風景節公愚齋孫先生服襄敏訓承佔畢學感激 咸中之殊遇納允而出宣夾贊廊廟之訐謨亮工而弘化為文元賢舅盡蒙養誘掖之誠載 國朝寶書勉躬行節儉之德蓋陽春到處均布而仁澤密縣偏深適當大荒之年哺以江東漕粟普濟衆生之命稱曰西方彌陀是故圖像而生祠仍復尚德而祭社副提學開巖金先生以七峰子為東岡兄山海門從遊仰高風於千仞退陶書見賞無虛士於威名請斷妖僧頭自韋布而忠憤激膽覈發賊吏跡正豸笏而風采動朝面論無漸於更張劄陳受益於弘廣苟非識全體之道充養得來焉能展大用之才從容做去所以負重名於朝野終焉遂初服於巖泉 贈叅判黔澗趙先生剛毅之資醇正之學受心經於岡老早聞向裏之方講朱書於鶴門因資終身之用一舉義旅奮孤臣之白衣三乞親征瀝滿腔之丹血惟欲盡分於己職何庸辭卑於小官以禮教而導齊興三物善俗於南郡設學課而點閱無一士染迹於北人謨猷則

貽燕於子孫道義則矜式於鄉黨蓋惟我四先生雖世代差池於先後而道揆
同符於忠孝肆於 崇禎之丙申并享按廉景節又以 英廟之庚戌追奉開
老黔爺第茲堂宇之成在三去癸巳之歲計其日月之數凡百有五十餘年奈
此棟橈之將傾未有物久而不壞遂與涓濱士友周咨而合謀爰暨江東老成
鄭重而區劃皆曰是吾責寧憚奔走之勞苟不及今圖恐有顛仆之患茲乃始
事於載陽之日揭梁於清和之辰為嫌地勢過高減一尺於舊址足容士子齊
宿做五架於前規因舊貫如之何惟苟完而已矣士殫誠工效力倏見芻蕘而
輦飛日既吉辰又良有若神助而鬼相幸得扶顛而補敗庶無替於昔人聊此
詔後以紹前將有辭於來世茲將燕賀庸助虹謠

拋梁東仙鶴山高可御風不必御風乘鶴去仙鄉自在此堂中

拋梁西萬景蒼蒼落日低日暮星稀千載下前人風範孰思齊

拋梁南道湖春水綠成潭吾知此水源於行從古丹邱幾孝男

拋梁北江流溯上如彎曲春來欲放蒙衝去野老莫須愁費力

拋梁上月白風清天宇曠一氣流行不暫停自強君子宜觀象

拋梁下菽麥禾杭連四野憂國老夫但願豐和風是日從南也

伏願上梁之後登斯堂而春夏詩書入是齋而秋冬禮樂朝益暮習不撤絃誦

之聲鄙廉薄敦益修端謹之行或以文而會朋友麗澤而切德時有事而執豆

籩肅將而踰濟夫然後堂楣生色庶幾乎宮墻有光掃梁上遺塵映鋤老大筆

拋佛頭不潔惶愧飯生拙辭百歲千歲宜傳今文古文皆有

豐壤趙沐洙

涑水書院明倫堂重修記

商之屬密城縣有涑水書院即四先生尸祝之所也粵我 皇明正德四年景
節公愚齋孫先生來守是邦所以養士治民之道救災恤患之方靡不用極而
於密遺愛為最深縣人立生祠而俎豆之若潮州之廟韓文公中值龍蛇之變

遂立墟矣 崇禎甲申後十二年丙申一邦諸先輩慨然興愴遂披荆棘而掃
塵塗拓舊址而築新廟因議于眾曰孫先生向時生祠之奉誠美矣然此不過
一時縣人遺愛之感而止耳先生立朝負三孤之重出治洽百里之澤成大德
業通達學識實為士林之所矜式且廟之南有按廉使申先生閻先生即勝國
名臣當麗氏運訖遜荒而遂罔僕之志性至孝守墓而感雙竹之異卓節懿行
亦足以樹風聲而勸來後盡於是而并享焉遂一堂而享二賢名其祠曰景賢
其後四十八年癸未升而為院又其後二十八年庚戌奉金開巖趙黔澗兩先
生濟事以寓羹墻之慕意本院啓創實在於吾商大小院所未有之先而始而
灰燼於兵燹中而拘綴於力勢營度措置俱未免草草略略講舍為尤甚前後
數百載之間不知幾經修繕而歲月寢久至於瓦漫而漏棟撓而傾椽腐敗
窓樞毀壞東矮西圯若不能支吾者已累年矣鄉父老用是大懼區劃得若干
物經始此八閏月而功告訖即 聖上卽位之五年乙丑也意丹邱一區水麗

而山明天長而野曠無邊風月灑落光景皆足以爽胸襟而快心目余乃登斯
堂喟然而嘆曰宇宙間名區勝景亭榭樓觀在在何限而此不過遊人墨客一
觴一詠之地而已天於此節孝君子之鄉而旣假之以如許名勝又得以為崇
賢講道之所者抑豈非名區之一大遇耶然先輩所以創設藏修之意夫豈徒
然哉昔朱夫子之知南康軍也重建白鹿洞書院手書明倫而扁其堂列為條
目而揭于壁教之以父子君臣夫婦長幼朋友之序導之以博學審問慎思明
辨篤行之目皆所以明人倫也人倫明於上而治教行於下故化洽而治隆風
淳而俗美自三代以後做一番休明之治者必以南康為首者此也在我東大
嶺為尤盛家塾黨序鄉社國學處處相望規模設施大小節次一遵朱先生規
度於是乎羣賢輩出斯道大明絃誦禮樂之教孝謹忠順之行蔚然為海東之
鄒魯而世降俗偷人亡教弛庠序間揖讓折旋之地反為游衍談笑之場而或
至於風波數驚氣像不佳則茲豈非世道之寒心而有識之竊嘆也哉雖然物

極而反理也本院之比來凋弊似非一朝一夕之所可容易修復者而何幸五
六架輪奐鞏革之美忽地突起廊廡厨庖之屬次第重新諸父老殫竭勤苦之
誠足令人欽尚則斯文休復之運又安知不由於斯耶凡吾黨君子因茲堂宇
之重新而思所以日新又新之工入是門而想前賢之風範登斯堂而顧明倫
之昭揭奮發振作交相勉厲庶無負前後勸修意者豈非吾輩之所區區相勉
處耶

進士豐壤趙學洙

杜門洞書院抗節班奉安文

卓矣先生膺期鍾精孝感天神志秉春王陶牧襟懷圃治忠直遭世艱虞之死
固僕杜門一時名垂無極凡在搢紳疇不欽仰况茲陽九益切羹塢幸有諸賢
慕義祠祠意有不偶競相趨事新廟赫赫松京之墟乃覺茲區迥別他處是昔
行旆徜徉之所於焉建祠旂蟹千禩今奉先生揭虔東位共義羣賢儼臨縉儀
培植綱常光前迪後高風尚凜芳躅不朽將事之始潔薦虔誠願垂顧享佑啓

文明

甲戌九月日後孫學錫撰

常享祝文

疾風赤翦大河砥柱焉敢挽我氣橫宇宙

六世諱光富內府令公

公諱光富官至中顯大夫

按高麗官職考從三品文散階光祿大夫(文宗置)通

改我朝官職考從三品中直大夫中訓大夫

內府令

高麗官職考有典教令內府令禮賓令繕工令等名即內職也以剛直忤權奸

遭貶黜大提學卞春亭季良為文祭之曰惟公有志如王之潔惟公有行如泉

之達提綱栢臺接轡南方服勤王事終始不違宜荷天休福祿是將何忤巨奸
出為鐵府罹于二豎針砭莫愈哀哀兒女誰恃誰依嗟余小子蒙未有知寒門
孤跡踽踽獨行何圖一日得此為甥今將涓吉適彼松京來陳薄奠哀慕曷已
英靈如在庶幾歆止

七世諱士廉彥陽縣監公

餘美職牒

吏曹為朝謝准事司憲府吏房書吏李符永樂元年二月五日名關永樂元年正月初七日下午

批申士廉為宣務郎餘美監務兼勸農兵馬團鍊判官

朝謝由移關為亦以合行故係須至故係者

右故係

餘美監務申

永樂元年元月初三日即太宗三年癸未開國後十二年

朝謝准事印

以郎一員 正郎 佐郎二員

牒判事 典書 正書

以郎一員 正郎 佐郎二員

彥陽職牒

吏曹為朝謝准事司憲府吏房書吏林瑞茂永此下缺月十九日名關永樂十七年十二月初七日下午

批申士廉為通德郎彥陽縣監兼勸農兵馬團鍊判官下缺

朝謝由移關為亦以合行故係須至故係者

右故係

彥陽縣監

永樂十八年正月二十日即世宗二十九年庚子開國後二十九年

朝謝印

佐郎三員

牒判書參 參判三員 叅議五員 正郎二員 佐郎

正郎二員

八世諱錫命成均生員生員白牌在申禮安搆家 景泰庚午中司馬印

月中桂詩時以四韻廷試公製此應選

誰把玲瓏樹移來種危宮影分千里外香透一輪中採葉知無價攀枝似有功
何時先折得傾蓋拂青空

九世諱俊禎從仕郎訓導公

訓導職牒

吏曹成化十七年六月二十九日奉

教將仕郎義城訓導申俊禎為從仕郎行義城訓導者

成化十七年八月日

印 資級修改

正郎臣鄭

判書 參判 參議臣金福

佐郎臣李吉

九世諱始生上將軍公

墓碣陰記

公諱始生鵝洲人官至禦侮將軍副司勇高祖諱祐奉常大夫司憲府掌令全

羅道按廉使事父母至孝父判書公卒公廬墓三年朝夕號哭有雙竹生于墓

前事 聞旌閭曾祖諱光貴知鳳州事祖諱希信通訓大夫丹陽郡守父諱乾

內禁衛公娶比安縣監金三近女生四男長以甫訓導次介甫司直次用甫縣

監次善甫教授子孫散居于本府豐山清州義城而居義城者尤昌大承旨之

悌其子正言弘望實為公五六代孫也各派繁衍幾至累百餘人公積德餘蔭

有以延及後昆也歟公移居于安東郡豐北鼎寺洞

崇禎紀元後再丙辰四月日改堅九代孫賁龜謹識

十世諱壽處士公

墓誌

公姓申諱壽字子期鵝洲人高麗孝子諱祐之後也考諱俊禎從仕郎祖諱錫命成均生員曾祖諱士廉彥陽縣監妣義城丁氏司猛有倫之女以 成化十七年辛丑某月生處士公燕山時除 文昭殿參奉不就 中廟朝除 獻陵參奉亦不起杜門求志教導後生臨終遺命勿書官銜以 嘉靖十二年癸巳二月十九日沒葬于八智山乾向原配義興朴氏主簿諱自儉之女生二男一女男元福元祿女適朴桂樹嗚呼公世亂不辱其身時清不降其志若公孔子所謂逸民之徒也是為之誌

年月日通訓大夫知豐基郡守周世鵬謹識

十世諱介甫司直公

墓碣陰記

公姓申諱介甫鵝洲人高麗版圖判書諱允需六世孫判書生諱沾奉節大夫

司憲府掌令天性至孝判書公卒廬墓三年朝夕號哭雙竹生墓前人以為孝感事 聞旌閣賜名其里曰孝子里掌令生諱光貴知鳳州詔事於公為高祖曾祖諱希信丹陽郡守祖諱乾內禁衛考諱始生禦侮將軍妣縣監金三近女生四子公即其第二公之配星州李氏司徒仲保女公自安東來家義城蓋以聘鄉故歿後葬于醴泉東幕甲坐庚向之原公有二子長幹尚衣院直長移居清州次翰 贈判決事直長生五子億齡萬齡千齡百齡彭齡判決事生三子應奎 贈參判應璧應參千齡有孫之益以孝行 旌閣其子鐸及侄缺亦以孝行 旌閣一室三孝子千古所罕可謂趾美於掌令公也應奎有孫之悌文科承旨純孝懿德為士林所尊其子弘望文科持平有聞望各派內外子孫不啻百千則茲豈非公之積德厚而餘慶綿者耶嗚呼感哉辛卯十月日立十一世諱元祿悔堂公

自歎 辛亥○初除訓導時

書生賦命太多奇，蠖屈年來兩鬢絲。學禮豈曾蒙進退，仕貧非是閔寒飢。淮陽千英人誰惠，光範三書世莫知。日暮道窮親已老，強顏干祿涕交垂。

遊中臺寺 壬子

蒼茫日暮中臺寺，陟此吟詩愁思長。雲盡東南天宇濶，遙遙指點是吾鄉。癸丑冬在洛不禁思親之淚，因占一絕。

述懷

南望聞韶問幾許，回頭天際客愁新。傷心一夜憑軒淚，白首慈顏入夢頻。與錢誰是蘇司業，遭罵甘為鄭廣文。扣水愧之王祥孝，只切懷英望白雲。

客中

飽喫辛酸客海陬，西暉入眼涕雙流。誰家有酒身無事，長對親顏笑未休。

書懷

思親遊子惜方寸，萬里天涯歲暮時。望裏陰雲沈幕幕，愁中白雁飛空樓。

每攬霑襟淚，對燭空梳滿鬢絲。不識誰教糜斗祿，孤形冷榻未言歸。

旅館書懷

負米情難遂，天南作遠遊。留連經一歲，悲淚日雙流。

思家

永夜思歸意緒悽，聞韶城畔數椽棲。蕭蕭鶴髮今安否，甘旨惟憑兄與妻。

睥席口占一絕

愁裏生涯莫怨嗟，吾門一樂最堪誇。七旬兄弟斑衣處，百世慈親有幾家。

慈母影幀識

此吾慈母朴氏之影也。母氏生于成化癸卯，今年九十有三歲矣。頭童背僕，腰下不仁，而形貌辭氣尚猶康強。于元祿六十年來，更相為命一喜一懼之情，不能自己。命子乞摹之于燭下，粧之為幀，體之於目，存之於心，敬慕之將無已也。萬曆三年乙亥三月日子元祿謹識。

行狀

申氏系鵝洲者自高麗版圖判書允濡全羅道按廉使祐連父子有名於時其世遂大顯按廉公有至行父喪廬墓其拜展處有竹雙生人以為孝感今尚州母密縣有孝子碑尸祝之所母密至今號多孝子按廉之後世以至行著聞詩所謂孝子不匱永錫爾類者其斯之謂歟六世而至悔堂先生公諱元祿字季綏悔堂其號也按廉之子曰光富中顯大夫內府令其後有彥陽縣監士廉成均生員錫命教授俊禎是為公高祖曾祖祖父壽隱居不仕教誨後進為士林望母義興朴氏主簿自儉之女郡守惟昌孫也公以正德丙子十二月癸亥生幼聰穎耿介孝友出於天性先公早嬰奇疾公十餘歲為覓藥上八公山崎嶇數百里從醫劑藥日湯進夜不交目衣帶不解者蓋八年而先公疾不瘳公哭之皇皇焉如有可救之道而終莫之救者卜葬八智山民多居其下公至誠感其心得入葬已廬其側三年泣血有少連之稱二十五取星山李氏正言許

隱先生孟專之曾孫女以為配亦有至性當饑夫婦服勤供菽水惟謹既累舉不中歎曰光陰晚晚而立揚無期古人以親老而不為祿仕為不孝某赴一縣學官遂有米願者雖受人嗤笑不辭也未幾除長水縣學以日餼之餘為養後除三嘉清道學嘗書壁上曰負重涉遠不擇地而休家貧親老不擇祿而仕蓋有仲氏之感焉既而以親病辭復書壁上曰古人一日養不以三公換公之事親以養志為先其進食常具二品擇其味美者以進有餘請所欲與之為小槽將親褻衣手澣濯以付人便旋之器自除澆不使之人也凡可以慰悅親心者盡力致之有得親一歡者必厚謝之嘗雜植奇花異草每於佳辰令節供具燕樂作宴親曲八闋以道愛日之誠又口占一絕在遺稿甲戌冬母夫人病日臻公日夜籲天其坐卧牀褥少不安必重累之藉以白絮柔毛凡滑腴之物已復不便坐卧則自厚衣抱持日益謹母夫人曰我不適死而勞苦汝為公怵然曰是何言也雖千萬歲惟恐不足焉至明年春疾少間姊視疾將還公曰親癢

少安姊氏歸又此令節可以慰悅意矣設席于東舉奉母夫人同兄弟邀鄰里
老嫗以盡歡時 國恤人有言公曰親日已索恐不及見明年此日也既已母
夫人疾益彌公嘗糞知其已殆仰天號啕及大故則所以哭之如哭先公不知
百歲之為長其附身附棺若素辦者無毫髮恨耐葬先公躬執其役伯氏止之
曰有役夫矣公曰固所自盡非所勞也既封廬焉嘗作母夫人影幘揭之几筵
朝夕悲號日三省墓哀哭不辟雨雪祭奠之供躬自具日糲食糜飲不近菜醬
轉益柴毀子弟泣諫則曰命稟於有生之初脩短不以此也丙子三月被疾猶
不廢拜奠既劇悲不能與祭至觀燈節令取薔薇花供具將自奠扶起盥洗而
病已革子弟請調攝于家不可夫人來顧然曰婦人何為至此問後事不答但
曰我之事親有未至者而又不能終孝欲哭而不能舉嗚咽曰以母氏影幘揭
我棺傍我將奉侍泉下矣促家人上食未卒而終嗚呼孝子事親不自知其足
雖或過於禮而不自以為過其心無窮也公幼齡侍疾弱冠喪父氣未定之

日而所以郵郵違違救生而送終者足令頑子感動而及其耆莫血氣既衰之
後而凡其色養而孺慕者終身而愈切孟子曰五十而慕者予於大舜見之矣
若公至矣不可以不終喪比而論之也公有一兄事之如温公之伯康嘗同赴
漢城試及歸伯氏病薄天民川秋水方漲人言有毒蟒害人不可徒涉公負而
濟卒無事伯氏嘗辟厲公山因染幾殆公竭誠馳救瘡與歸其女子嫁自資具
不貽勞伯氏姊婿橫罹在獄為奔走力懇直其冤其歿經紀喪葬嫁女娶子俾
不失時外舅亡庀棺槨以葬凡親戚養送之需及義所當為者必自誠腆忘其
力之不給而為之也君師之喪為心喪食素三年乙巳 國恤時慎齋周公之
喪皆然凡其篤於人倫如此初以母夫人命遊太學篤志研精講究不怠慎齋
之守豐川首立白雲洞書院教育人材巾袍全集公贊文求教慎齋待以客禮
留數日出論題試諸生得公作異之批其尾曰我院有人其心如玉天將玉汝
申其祿矣迺語東方道學之緒而規以言行相顧之實豐豐不倦踰年而歸慎

我公七歲事田
齋贈一絕曰為學師原水論交取兕觥相規惟十字庶悉百年情其所惓惓者
深矣公歸語伯氏曰吾東書院發自竹溪甚感舉也吾鄉盡倣此為藏修地乎
乃得地長川上倡建書院時屈未就戊辰與同志聞于邑宰以竣其役歷數載
而成立廟享鄉先正金慕齋先生事聞 賜額長川公之興學育才以羽翼斯
文乃其素所蓄也至於業儒齋之創立鄉約之立規族制之修睦無非所以敦
倫正俗而成就後學也若夫賑場之志則又見公不以任微事煩而盡其撫哺
之方亦仁民濟物之本心也公平居刻意問學凡經史洛建家語沈潛貫專
心體驗以見於日用行事之間其事親從兄立心制行待人接物教子訓人一
循乎常行之則初無待於勉強修為而自能暗合乎道至於尋常筆札亦皆端
嚴有法可見公性情之一端也嗚呼孝者百行之源有若以孝悌為為仁之本
本立而道生以公平日之所行者詎不信然歟世傳公之孝行無愧按廉公是
天曰明及爾出王公之子孫宜其蕃昌也公卒在 萬曆丙子四月八日辛未

得年六十一矣夫人父智源秉節校尉祖瑞通禮門通贊夫人柔婉淑慎承順
無違事姑三十五年如公志焉家貧無戚容施與於人無難也歿于 萬曆癸
巳與公同穴實八智山先公塋下巽坐之原男二人長心司憲府監察次佺
贈左承旨監察有五男一女男尚道判官泳道志道敏道師道女察訪李挺南
承旨有三男三女男適道祥雲道察訪達道弘文館修撰悅道司諫院司諫女
士人金有暉奉事任乃重僉正朴宗敬曾孫以下不可勝錄癸卯鄉人以公孝
行聞于方伯以啓 命復戶乙卯 命旌閭 贈通政大夫戶曹叅議載公三
綱行實 肅廟乙丑士林合享藏待院祠公之志行公伯氏叅奉元福撰孝友
錄鶴峰金先生題一絕云從遊三十載不識有參乎今見難况狀如公志行無
無以復加矣今年士林將刊公遺稿以公之至行懿德不可以無狀公之七世
孫龍起以諸父兄之意來告於光庭光庭老無識又去公百有餘歲其平生蓋
有不得而詳者以昔從龍起大父上舍濂氏知公至行遺範尚猶在子孫矣又

所編孝友錄言訥而事賤訥齋崔公現為墓誌乃謂人不問於其言實後世之所傳信又奚以狀為哉既辭之不得則乃就其錄以塞慈孫遠逮之意非敢以是為足以備採擇也後之君子或垂恕於斯焉
上之十五年己未孟冬朔日後學平原李光庭謹狀

藏待書院奉安文

至性天全不待勉強事生之節送終之誠人無間然可也參孝本既立矣隨事逢源行敦于家善推於外乍就微祿負米之心竭誠賑飢濟人之惠贊文往謁慎齋之門屢蒙賞嗟許以德器研精篤學言行相符飽德來歸佩服終始閱斯後學無處藏修慤斯慤斯庠塾之事勉勗後進以衛斯文遺澤在人百歲如昨沒世愈久仰德滋深睹彼崇阿有儼廟貌日辰之吉予以妥靈青襟鼎來護豆有楚千秋無替歆我馨香

載寧李玄逸

常享祝文

心存孝悌學務踐實表裏相符無憾存歿

宣城李惟樟

藏待書院風詠樓上梁文

一鄉有所矜式既設俎豆之儀多士得以依歸載新樓觀之制道其不墜仰之彌高顧茲妥靈之遺祠寔出象賢之美意有若梅堂梧峰之學問孝友同出于名家亦越松隱敬亭之踐履文章併稱於前代風流猶在宛然桑梓之連陰後學追思允矣芬苾之齊饗惟其礪俗之道有賴於斯庶幾肄業之徒爰得其所第緣儒林之力詎尚闕書樓之踵成登茲遠望既之觀物之具入此羣處安得庇士之歡矜紳合謀而同聲般倅趨事而殫技山腰陡絕半割交翠之閑庭榜額高懸快靚流丹之飛閣峰巒環列似效拱揖之形欄檻高明實表正大之體想像百載之下頓覺水丘之增輝指點一區之中無非杖屨之留跡所謂地因人而擅勝况有名與義之相符藏而待之此正吾黨自強之處道所存也奚啻門人親炙之時登高自卑宜思積累之訓揣本齊末寧昧輕重之分不但邑人

我州七書第四
之觀瞻蓋欲文風之振作茲涓吉日將舉脩樑才實漸於邳人縱之絕響頌稿
歎於張老不免後幾

拋梁東茫茫原野四望通圖書左右渾无事時有床頭一陣風
拋梁西坐着殘照下山低傷人莫道黄昏近透得玄關路不迷
拋梁南藹然和氣滿松杉元龍百尺空中起月窟天根坐可探
拋梁北聖人猶有寸陰惜少壯幾時須讀書窮廬歎息亦何益
拋梁上綠水青山看氣像香火四時瞻拜地青襟濟濟森相向
拋梁下詩書講習無冬夏試看活水源頭來混混何曾晝夜舍
伏願上樑之後儒教丕威士趨益端攝齊而前函丈之禮如在詠歸其上舞雩
之風可迎祀事孔明長薦春秋之享賢才迭出蔚為邦國之楨

豐山洪萬朝

十一世諱翰判決事公

墓碣陰記

公諱翰字國憲鵝洲人高麗按廉使諱祐六代孫高祖諱希信丹陽郡事曾祖
諱乾內禁衛祖諱始生禦侮將軍考諱介甫司直妣星州李氏司猛仲孚女配
掌令吳永年女生三男四女長應奎次應璧次應參長女適朴汝舟次女適李
張次女適南應鍾次女適李苴應奎生二子夢得夢弼應璧生二子弘俊英俊
應參无後夢得生七子之孝之悌之信之義之行敬之訓夢弼无已出以之
行為後弘俊生二子之善之問英俊生一子之忠之悌登 宣廟己丑甲科官
至同副承旨之行以財補 國除知中樞府事 蒙追 贈三代公自安東來
居義城以外鄉也墓在本縣金磊坊泉洞子向原配 贈淑夫人長鬢吳氏墓
在後遺蔭所暨雲仍蕃多不能悉記七代宗孫天翹謹書

十一世諱椿年典涓司參奉公

墓碣銘 并序

烏州世狀碑略二

判決事公

參奉公

公諱椿年字壽翁號栗亭巨濟鵝洲縣人高麗版圖判書允濡之後考諱用甫果川縣監妣安東權氏習讀官寶成之女公生于 弘治癸丑歿于 嘉靖壬戌享年七十明年癸亥十月葬于豐山縣北鉢山洞配安東權氏直長哲全之女墓在其右公嘗試吏才為典涓司參奉性伉直不能屈首刀筆間纔一年而棄歸居鄉亦不為非任真待物不事邊幅日與隣曲改漁為樂能飲酒不亂及卒鄉人稱惜之有二子長曰晟次曰暹為通禮院引儀長三子弘俊光俊忠俊引儀三子元俊仁俊廷俊銘曰版圖之裔果川之子不冗于甘歸老鄉里我莫人爭人孰我訾二子六孫遺慶在是信彼雙墓其永無圯

嘉靖四十三年甲子六月 日嘉善大夫工曹參判李滉撰

十二世諱心興溪公

墓誌

聞韶縣東山巖壬坐之麓即我伯父宣務郎司憲府監察府君衣冠之藏也

後十二年戊辰從子侍講院左弼善知製 教達道泣而誌之曰吾申之系鵝洲者世居尚州丹密縣自版圖判書諱允濡碩德名紳譜不絕書歷按廉使諱祐內府令諱光富縣監諱士廉至成均生員諱錫命移卜于聞韶之元興洞生諱俊禎承仕郎教授生諱壽隱居樂道前後徵辟皆不就生諱元祿號悔堂孝友學問矜式後進卒 贈戶部侍郎又 旌表門閭於公為曾祖祖考考也妣星山李氏耕隱先生諱孟專之曾孫秉節校尉諱智源之女以 嘉靖丁未生公子元興里第諱心字喜之蚤襲庭訓孝友純至丙子悔堂公棄世哀毀踰制比葬廬墓終三年壬辰島夷發難公與吾先君慷慨揮涕倡起義旅為前進節度議者曰強寇未易輕犯姑且避入山谷相機乘釁而發未晚也公笑曰吾已決一死勿復言與柳正字宗介金翰林坡鄭進士世雅約會于一直縣亭分左右衛遮截賊北來之路賊不敢恣意剽掠傷郡咸賴之癸巳遭內艱喪葬祭奠一於禮無違時值兵荒人至相食公雖在哀疚中以捐財濟飢為事或至并日

而炊曠然不以爲意仁愛多此類也丁酉有薦者直授司憲府監察不赴放閑
丘園優遊自得餘十年 萬曆乙卯以疾終于正寢享年六十有九配宜人牙
山蔣氏判書諱成吉之後司猛菴之女柔嘉貞淑得婦道甚後公七年卒合祔
于公墓有五男一女男長尚道蔭判官次泳道次志道有文行次敏道次師道
女適察訪李挺南尚道有五男一女男長塾次堂次埴次墀女適士人張
用五泳道有一男炯志道有一男一女男坡女適士人朴宗獻敏道有二男長
坤次坳師道有三男長坵次埭次堅李挺南有三男一女男長慶培次德培次
義培女適士人蔡之湖內外孫曾男女并五十餘人嗚呼積善餘慶天理豈可
誣耶諸從氏請於余曰先君之墓木已拱矣碣固未易圖願先誌焉余曰諾謹
次其世系來歷行蹟梗槩納諸幽堂至如銘小子所不敢以俟夫當世立言之
君子云

從子侍講院左弼善知製 教達道謹撰

十二世諱仁城隱公

示諸子

出宗家永慕錄

持身如履薄待人一至誠若不謙受益恐忝爾所生

仲男聞喜宴口呼小詩以警之

庚戌四月○出晚悟集

禍是福所倚福是禍所伏是以賢達士一視榮與辱君子貴自勉其要在勤學
力學以致知持敬以養德尋常日用間事事存檢飭須先克己私庶可無愧怍
吾見世人勤苦營產以遺子孫而有不能守者此不知命也遂因俚語而
爲之歌

皇天皆賦命世人不自知經營彼此事紛紛百計爲我則知天命修身順受之
歲月容易過人生能幾時滅裂無所得撫躬深自悲前途日漸窄難免小人歸
善人雖未及賢人猶可希善行雖未有惡事直欲無及時當自勉此外更何求

志感

琴瑟旣靜好常棣且湛樂三蘭共採蓮諸孫滿堂室箇中無限悲北堂春寂寞

從子泳道失火有感而作

從新至戒爾知否禍福無非自己求前日若能治曲突不煩牛酒慰焦頭

偶吟

白髮蕭蕭兩鬢新此生無計更青春何方駐得西飛日長對書中賢哲人

墓表

贈淑夫人順天朴氏祔左

經筵參贊官鵝洲申城隱諱伋之墓

有明朝鮮 贈通政大夫承政院左承旨兼

府君諱伋字懼之鵝洲人自號城隱高麗按廉使諱祐之後曾祖諱俊禎承仕郎訓導祖諱壽隱德不仕考諱元祿 贈通政大夫戶曹參議有孝友至行

旌表門閭妣星山李氏曾祖諱孟專奉正大夫司諫院正言祖諱瑞通德郎通禮門通贊考諱智源兼節校尉府君生於 嘉靖庚戌九月九日稟質淳厚慈

詳惻怛孝友因心式遵先訓丙子遭外艱廬墓終制奉慈闈十八年色養無違

癸巳先祖妣下世時丁大亂不遑禮制喪葬祭奠終始無憾平生無疾言遽色

口不言人過然其好惡取舍一斷以義未嘗枉道苟合常訓子弟曰持身如履

薄待人一至誠若不兼受益恐忝爾所生甲寅六月二十七日以疾終于正寢

享年六十五先妣順天朴氏平陽府院君天祥之後曾祖諱璿縣監祖諱李卿

勵節校尉考諱倫展力副尉生三男三女先妣端良仁孝事府君訓子女皆可

為壺範與府君同年生歿亦同年四月十六日是歲十二月二十八日丙午合

葬于義城縣五土山兌向之原 崇禎己巳 贈府君通政大夫承政院左承

旨兼 經筵參贊官 贈先妣淑夫人以男達道參寧 社原從故也女長適

士人金有暉元后男長適道進士祥雲道察訪次達道擢癸亥 廷試壯元司

憲府掌令次女適訓鍊奉事任乃重次女適僉正朴宗敬季男悅道擢甲子增

廣為宗簿寺正内外子孫男女總百餘人嗚呼不肖遺孤竊祿于 朝祿不及

養墓木已拱嗚呼痛哉昊天罔極

宗禎丙子後二十三年即今丁酉三百年十月日不肖孤通訓大夫宗簿正

知制 教悅道泣血謹表

贈淑夫人順天朴氏行錄

先妣朴氏系出順天平陽君諱天祥八世孫曾大父諱璿其官大父諱季卿忠
順衛勳節校尉考諱倫展力副尉妣南陽洪氏曾大父諱繩武訓練參軍大父
諱錫龜中訓大夫龍宮縣監考諱濟從仕郎先妣稟性端良仁孝及年少長孝
友恪勤歲辛未癘氣大熾外王母染病危劇時二男皆幼穉獨先妣日夜侍側
目不交睫凡九日而遭喪攀號哭擗絕而復甦躬自歛襲哀毀踰禮翌年春又
遭外王父喪喪葬之具必誠必信少無遺憾此則有聞於舅氏者也及歸先君
子肅恭誠至事先君子順迪無違和於娣姒睦於隣族治家以儉約營治勤處
未嘗置之奉祭以誠敬務極精潔訓子女以勤謹和順不法之言非義之事咸

飭峻截俾不相干二舅孤露未及長成而撫育婚嫁情義俱盡及壬辰凶歲季
舅鰥居無以自賴迎置于家饋粥必共以救其飢事諸從母誠款備至其他言
行無不合於義而得其正此則不肖子耳聞而目所及也嗚呼以吾先妣之令
德懿行宜康寧宜永世而不克至于大耋歲甲寅閏凶荐及先考先妣隔一月
而相繼棄養降禍之酷有如是耶天地有窮此究無窮不肖遺孤子不敢稱道
先德而刻志幽堂不可無文故略叙行迹之大槩平昔言貌動止誠所不忍書
亦所不忍忘也若夫享年幾某年卒某日葬已具於先君子行錄故今皆闕焉
天啓元年即光海十三年辛酉距今丁酉三百三十七年辛酉冬十一月日不肖子悅道謹識

附輓詞一篇

吾鄉族黨鮮惟文最相親瓜葛綢繆甚桑梓來往頻敬恭惟小子敦睦自先人
節物携朋友紛喧謝俗賓亭梧迎晚牒堤柳展芳茵洗翠對松醴堆盤膾玉鱗
歡娛轉蕭瑟憂患互紛纒自嘆嬰衰疾無由接後塵迨惟如昨日來訪在初春

喪儂俄聞訃攀和日損神醫窮術莫效報至夢非真孤舞鸞窺鏡雙飛鈞會津
平生慎語語孝友篤天倫士習要扶正鄉風擬挽淳慈詳今已矣影響見何因
移殯從權厝時辰遽決旬恨余違紼列淹病臥漳濱屬有恩除命叨承駟召
綸至今趨禁掖不得出城闈綿酒慚徐孺幽明負伯仁佳城龜叶吉遠日歲
占新合祔擬同室山川即近隣精靈安本宅生死信回輪一邑哀榮極諸郎孝
思純琳琅映冰岳才行冠成均俱是人中秀端宜席上珍積深期遠大吾老意
酸辛滾浪傷浮世危道怵此身循簷憐短日引領望寒夏楚些辭淒斷長吟涕
滿巾 通訓大夫行弘文館校理知制 教兼 經筵侍讀官李氏成
十二世諱應奎參判公

墓碣陰記

公諱應奎字文仲判決事諱翰長子內外世系詳載判決公碣陰記昌寧曹氏
忠順衛良範女二子七孫亦載判決公碣陰記在判決公墓前配 曾公

曹氏墓在本縣下川坊新禮洞栢岡午向原即祖妣星州李氏墓後也

六世宗孫天翹謹書

十三世諱適道虎溪公

晉甫 悅道 弟與金孝徵 應祖 自葛山來到吟成一絕語極悲愴遂和淚以
次

冥頑惟我弟兄身草土餘生痛轉新白首領原相別恨不堪雙淚滿衣巾

附原韻 到陶巖舊在感懷有作呈伯仲氏。辛酉

孤露年來尚此身鬢邊三朧得雪華新庭闈依舊音容隔獨立斜陽淚滿巾

晚悟公和詩

天地茫茫老此身無端華髮鬢邊新風樹已纏泉下痛離亭今日更沾巾

鶴沙金公和詩

乾坤何處可容身罪戾餘生鬢髮新人子誰無傷傷志咏君詩句我沾巾

墓表

檀紀四二九一年丁酉閏八月二十五日省墓到谷杪勝

令人坡平尹氏

附左

朝奉大夫行祥雲道察訪虎溪申公之墓

公姓申諱適道字士立號虎溪鵝洲人麗季有諱允濡版圖判書生諱祐按廉使父喪廬墓有雙竹之異事聞 旌閭曾祖諱壽有士林望祖諱元祿號悔堂又以孝 旌閭 贈叅議考諱侂 贈左承旨妣淑夫人順天朴氏展力副尉諱倫之女以 萬曆甲戌十二月二十九日庚午巳卯生公氣質粹美聰明出類於事無不通曉事父母以孝書則弋獵以供饌夜則讀書以為學自幼請益於再從兄鼎峰弘道鼎峰以文行名世論人少許可獨於公待之如同氣每事必議而行之常語人曰扶吾門戶者必此弟也崔訥齋晚亦亟稱之旅軒先生素嘗愛敬以道義相許觀於此公之學問行誼亦可見嘗中發解高等西厓柳先生見其卷許以義理之文丙午與季弟懶齋公同升上庠

十遊泮宮知名旋值昏朝退處鄉曲與仲季講習不輟甲寅荐丁內外艱廬墓盡禮人稱善居喪丁卯金人犯境公糾合義旅詣 闕陳疏 仁廟嘉之特授祥雲察訪公竭心奉職殘郵復蘇吏卒豎碑頌惠後因宰臣薦拜 齊陵叅奉肅謝即還丙子之亂以義兵將灑泣誓衆馳赴 行在仍獻義糧拜 健元陵叅奉謝 恩而退全叅判滉李自軒景奭勸就仕公曰早罹風樹之痛祿不及養老境薄宦非素志也乃結茅於山水之間逍遙自適年至九十人稱地上仙癸卯七月初一日終于正寢配令人坡平尹氏坡平君諱坤之後金泉察訪贈叅判諱希曾之孫僉正諱淳之女稟性端嚴慈孝協尊章奉蘋繁可以為閨範與公同年生月日差後即閏十二月初八日戊寅壬戌先公三年坊即庚子正月十三日也至公喪移舊窆合葬于縣西安平面鷹峰印向之原公性嚴重子弟侍坐不妄言笑門庭秩秩可觀懶齋公最所愛重而或有過差不少貸官顯年高之後字缺地免冠謝方降辭色有二弟兩妹友于篤至及其折箸自取

其老僕荒田擇其尤者而與之奉先之節尤加敬謹每值忌辰必齋宿致潔年
踰耄耋不避素饑亦可見孝友之彌篤也四男三女長塏娶判官朴夢琚女早
夫無后以均之子慶錫繼次均娶金致弘女生二男二女男慶錫爾錫堞進士
娶權益昌女生二男三女男禹錫文錫堞娶佐郎金淮女亦先公天生二男四
女男昌錫玄錫具武科女適士人金尚珏生舜佐碩佐次適縣監鄭復亨无后
次適平山申命元生一女適進士權晟内外曾玄總百餘人多不能記憶公以
文行氣節不究其用意者天之報施其在後人歟

宗後生申致雲書

公歿後四十七年節肅宗卅五年也距今丁酉三百九年

月日嘉善大夫行

慶尚道觀察使洪萬朝撰

宗後生申致雲書

墓表後叙

右墓表晚退洪公所述也今至二百年所其後

哲宗丙辰士林建院于丹邱

今上丁卯因繡衣使朴瑄壽啓

贈公通政大夫吏曹參議其日口道學

明忠節卓異是則豎碑後事故不見於表中後孫相憲氏碑不佞足其後若夫
先生學問之正樹立之卓有舊表在

歲在辛丑仲夏前義禁府都事全義李種祀叙

丹邱書院尚德祠奉安文

顯允先生忠孝全德雪立岡軒澤麗祠石本之才資濟以學力匡老定評義理
明白院削姦魁禮質函席西戎豕突贏糧赴急酬以一郵蘇我蕩析及夫再徇
元戎涕雪義氣西指南城率律和言檠芽柰彼賣國疏陳萬言綱常賴植故園
春晚詩出腔血謝事南還山間草屋娛以書史持以謙牧人稱地仙邦有遺逸
推原反始宜享芬苾惟陳徐氏况有故寔因循未遲歲幾三百貌茲後生積世
營度亦粵懶翁同氣德合爰及忍爺克紹家學兩世風範百年如一合餒同堂
情禮允叶念茲丹邱山水清淑三位椅卓數間丹腹或聯或配從其昭穆爰舉
緝儀辰良日吉樽俎潔清矜紳齊遯陟降在茲惠我無極

常享祝文

學傳師訣義扶邦綱餘教在人報祀無疆

後學弘文館校理韓山李敦禹

採薇軒移建記

採薇軒虎溪申先生之所築也何以題採薇為也先生稟英毅純剛之德加體用中正之學承襲乎按廉悔堂亦世之緒就正于寒岡旅軒有道之門內而有晚悟懶齋二弟征邁之至樂與夫梧峰孤松父子懿親之隆摯外而有清陰桐溪龍洲蒼石諸公道義之相磨其手也經綸黼黻其聲也笙鏞琴瑟發軔脩道載馳天衢將大鳴國家之盛而早遊太學一命而為 健元陵齊郎再命而為 祥雲道丞值 憲文王十有四年丙子之世再倡義旅極言封事庶可回天擎日而既倒下城有我安適歸之思慨然南下就閑于韶北鶴巢臺之遠結茅軒之所居絕無田園禾黍之蓄而如菜為養山多薇蕨供以自給因境適情有足題

軒也非為佻擬於孤竹君二子而自期也我冠之友我衣之博我佩之珍不緇不染於風淒露零逍遙將息於萬山深處不問人間何世于焉居焉而與太素為隣湛玄守默清風明月入我襟懷晴天白日照我曾中山間之朝暉夕景依舊是大明日月推先生之時究先生之心上帝照臨我有君矣後世來復我有民矣其大施包含彌六合而裕百世豈止潔身長往廉頑之懦之為也遺芬賸馥留在於溪山林樾之間使善觀者瞻望乎採薇軒之左右衝空巖石壁立千仞先生之定而能安也嗚湫怒瀑進進不息百折必東先生之守正不貳也鶴鶴巢其上虎豹熊羆乳其下盤渦潑浴花枝蜂集先生之施愛及物也物外真境有不可以廢興成毀論之歲久軒圯亦不可以一閤事觀之 高宗丙寅重葺而新之最其人居僻遠未易登臨而朝慕羹墻也鄉隣多士合聚若干資使本孫幹蠹之人輪次拮据而 宗禎後六丙子移建于丹邱山水之坊舍舊就新係是難重丹邱亦當日杖屨之所寓慕尸祝由來百年禮樂而階祀林

壑為先生之宮塲也且况今之世王澤竭矣頌聲寢矣念彼京周雖欲歌詠我
先王無地講春秋大義登斯軒而追想先生之流風餘韻愈久愈長抑有發端
興起於千載之下乎丹邱儒某某青記於不佞顧茲貌末敢何居是也敬吹高
景之忱如右
壬辰之秋夕後學全州柳東翼盟手謹記

採薇軒重建上梁文

登彼山而歌採薇夔溯墨胎氏百世風節秩斯干而詠芑竹改拓朱明老一區
亭觀是昆孫肯構肯堂乃君子攸濟攸芋恭惟鵝洲甲族後世倚歟虎溪申公
先生稟喬嶽之精粹抱干城之毅略忠孝徽緒遠承退齋遺謨道學淵源早聞
寒岡的訣逮疆圉金虜搶攘奈聖主鑾輿播遷旅老薦公為韶州元戎敢不念
君臣義重賴翁勤王在漢山扈衛意無由兄弟急難雲丞陵官疊蒙恩渥雪沒
嶺路再震義聲師行纔泊江頭盟幡遽豎城下灑淚贈什遠送三學士赴燕瀝
血陳疏痛斥數佞臣誤宋吁其已矣明社之屋運在天胡不歸歟微臣之故志

無地那忍帝秦之恥不堪懷周之思還尋千里梓邱載縛數間茅屋坊稱薇谷
扁名在茲址叶菟裘偃息得所恬冒紅羅日月痼癖碧山煙霞紫几西銘長對
卷中賢聖明河北斗昵近夢襄君王窈窕六七里地區高朗九十歲天壽草埋
幽逕鳳去而臺空蕙凋芳園鶴怨而帳闌世次秩換在第十紀星霜棟宇頽頽
經歷百劫風雨道里濶而奠守沒策事力絀而措畫無資改葺之論自先世而
擬議移占之計乃今日而詢同丹邱錦巖何莫非經履芬躅朱蕘繡戶本不合
儉約清規測圭臬而定方稽星曆而差穀野窠燔瓦山木取材佳工能勝任而
獻功戰戰風斤月斧宗族各隨見而揆制恢恢燠室涼堂幾年心上經營不日
眼前突兀成毀如有待見氣數之沉升虧旺豈無時度景運之向泰恭疏巴俚
之短引用助兒郎之偉歌

拋梁東五老尖峰撐半空下有 宗禎一老屋滿園春色大明紅
拋梁南武屹山光滴翠嵐沂水詠歸曾幾歲一輪寒月照空潭

拋梁西遙憶美人何處芳往日義竿 恩遇地傷心未忝自萋萋

拋梁北兩白蒸嵐高前方山下五賢應有靈一般心事暗相測

拋梁上歷歷星芒天宇朗安得英材衆若茲斐然文物儒風旺

拋梁下四郊秋熟曾孫稼勗農懋學一般功盡看安豐夜讀者

上梁之後地道回亨天保叶吉棟宇既完矣美矣宗黨庶歌斯聚斯勉實業於

四字六經博彝行於五典三物繩繩趾美百代無忘繼述之誠斷斷肩仔一心

固倦嗣葺之力

十三世諱達道晚悟公

書手板 九歲時作

皇天賦予初無賢不肖之異雖聖賢亦非兩口而四目彼丈夫我丈夫有為者亦若是期追前脩之徽躅

聽鷄 乙未

為善日孜孜何憂未至聖晨鷄兩三聲起坐發深省

墓碣錫 并序

公諱達道字亨甫鵝洲人嘗自號晚悟其上世有諱祐當高麗王氏時為湖南

按廉使是於公間八世曾祖諱壽屢 除陵署不起租諱元祿 贈通政大夫

戶曹叅議考諱佺 贈通政大夫承政院左承旨家世以清直孝友稱於鄉里

妣順天朴氏展力副尉倫之女以 萬曆丙子八月某甲生公自幼岐嶷異凡

兒及知讀書不待強教日漸開益自底于成年才十七屬壬辰之變饑饉荐臻

人相食公躬親商販之役使舉家得免捐瘠之患丁酉賊復肆蕩毒南土震擾

人皆倉黃奔避公弟掌令公時在穉齡脚弱不能行公扶携擔負經涉險阻猶

恐其或相遺失其友愛之篤如此時寇盜充斥首尾七八年經生學子莫不解

體無意親書丹公性勤有識慮雖當造次顛沛之際暫有餘閑未嘗去書不觀

發為文章汪洋滂沛渾渾無涯埃庚戌入太學補上舍生甲寅夏存罹荼毒居

喪儀節一以禮無憾服闋值世昏亂杜門從所好 天啓癸亥 仁祖改玉公
於是對廷試策擢為第一冬由成均典籍出為湖西成歡丞郵當孔道凋弊甚
公至則校講利害施罷得宜征賦就簡民力以蘇明年甲子李适反 車駕出
幸公州公當倉卒之際策立夫馬捷應機會人益知公有應卒之才适敗死
大駕還都公於是解印綬歸是冬拜全州判官州為湖南劇邑素稱難治公既
才長於治繁性又公廉平恕吏民畏而愛之未幾以病辭免丙寅轉刑禮二曹
正郎俄遷司諫院正言上疏陳時弊 上嘉納焉丁卯正月狄人來侵 上召
大臣諸宰三司多官問控禦之策有一勲宰首發幸蜀之議公進言曰願 殿
下駐節坡州奮揚威武以示先人有奪人之氣不宜先自摧縮以示弱也 上
曰當與廟堂商度為之及 車駕幸江都公扈從之每有論啓直斥和議之非
又陳經國撥亂之策累千言時毛帥文龍為檄島守將聲言朝鮮交通北虜將
欲襲取檄島傳播遠邇事機叵測朝廷議遣使曉諭難其人公適膺是選

命入毛營乃謂朝鮮事大國如子事父不宜有此辭情懇款毛將感悟疑盡釋
於是刷還本國人在島中者累百人既又歷陳關西守令賢否及清川以北形
形便宜使備從馳驛以聞 上嘉之以持平 召還會臺諫論勲臣驕橫不法
狀 上怒甚有嚴治臺諫之 命公挺身獨 啓其略曰臺諫常持公議為人
主耳目公議所在臺諫安得不言尹煌之 啓趙綱之疏皆出公議非構捏陷
人之論也 殿下詆斥之折辱之如此臣恐直氣摧折公論泯滅危亡之禍將
不旋踵矣且 廟堂臺閣歧而為二言必矛盾計必枘鑿夷狄侵凌甲兵不多
非今日之憂腹心受病將致危亡之禍此誠今日之憂也於是左相申欽右相
吳允謙以其有廟堂臺閣歧二語連章辭避 上怒特先罷公職大臣三司交
章陳劄還収成 命於是公直聲振朝野 崇禎戊辰由禮曹正郎為侍講院
文學兼知製 教遷司憲府持平轉弼善以病免尋拜掌令辭不就明年春由
成均直講為司諫院獻納仍移掌令承 召還朝有一勲臣侵侮大臣於 筵

中辭甚倨公以為凌蔑大臣則朝廷不尊論劾不置一時權貴莫不側目冬復拜獻納疏陳遇灾修省之道言甚切直 上皆嘉納遂移疾遞職還鄉里庚午又拜掌令力疾還朝前大司憲鄭公蘊因求言請復仁城官職三司文章彈劾重臣或有請置極典者公以為因求言盡所懷實無可論之罪遂發論停 啓公論違之仍遞掌令旋拜掌樂正謁告還鄉益無意仕進辛未三月又以掌令趣 召公黽勉造朝時玉堂以請寢 元宗大王祔廟事忤 上意并命致重究朝著震懾公乃啓曰 殿下之欲追崇本親雖出至情廷臣據法以為不可者欲 殿下止乎禮義也如使不問可否惟君之所欲為則將安用論思之職為哉遂遞為軍資正俄遷弘文館修撰病不得謝 恩以六月丙辰遽啓手足享年五十六 上聞之悼歎令該司致賻如儀朝之大夫士莫不奔走來吊其哭皆甚哀於是 上令沿道各邑給輿卒歸其家以卒之年十二月壬申葬我城縣南梧桐山兌向之原公娶宗室女為夫人 世祖大王五世孫德信王諱

變壽之女在家習聞詩禮之教及笄歸于公奉公姑事君子既孝且敬有事賓祭必誠必慎壺彝閨範罔或不虔宗族稱其賢鄉里服其德後公二十八年卒于其第二子圭高靈任所戊戌正月七日也享年七十三以其月某日穿公墓而合葬焉以公嘗錄聖功追 贈公承政院都承旨夫人亦封淑夫人有子男三人女二人男長曰堯後改名曰在司憲府監察次曰圭司諫院正言季曰壑女長適士人尹以觀季適參奉朴忠基監察生三男四女男曰夏錫晉錫殷錫女長適士人朴世輝次適士人李公翼次適都承旨李東老次適府使成碩夔正言無子以兄子晉錫后有一女適士人李碩觀整生四男二女男休錫泰錫賁錫禮錫女長適士人李洙次適兵使張漢相夏錫生一男曰濂生員晉錫生二男曰浣淑殷錫無子只有二女休錫生二男一女男長曰德涵進士次德泳泰錫生一男一女曰德漢賁錫生四男二女男曰德演德養德滢季幼禮錫生三男一女皆幼玄孫男女凡十六人公弟悅道亦登文科官至掌令以文行知

名當世公天資甚高充養有道不以世俗利害得喪為忻戚自在童孺時便以
忠孝大節自期待其讀書為學必以講明義理砥行立名見諸行事為務旁及
前古興亡之蹟當世治亂之故將欲斟酌古今舉而措之及筮仕以來職思其
憂其在郵丞州佐去害興利果辦傲絕其在栢府微垣遇事盡言有犯無隱至
於臨危建大策則論議堂堂正合折衝禦侮之規至論國家本根安危之計則
既信且徵有若燭照而數計雖位不通顯未盡展布亦可謂無負臣人之義矣
蓋公嘗遊趙月川張旅軒兩先生之門得聞君子立身行己之要其淵源來歷
實亦有所自云公之曾孫上舍生濂將欲刻銘墓石且著聲蹟以其曾叔祖掌
令公之狀授玄逸曰請為銘玄逸謝非其人上舍君要責不置遂序而銘之曰
君子所責惟剛與直陰柔巽懦乃德之賊有偉申公抗志勵節爰初歷試牛刀
鷄割擢列霜臺不媚而悅 當宁動色責彊氣奪及贊征謀奇偉卓絕羣疑衆
猜左牽右制計遂不用人仰壯烈晚節陳謨愛深語切位不滿德其究厥施在

公奚憾後人之悲桐山之原宰如其宅刻文茲石嗣慶是篤載寧李玄逸撰

十三世諱志道三栢堂公

墓誌

從兄處士公歿之十有七年孤嫻袖公行蹟示曰吾父事業雖未顯揚於世居
家行誼有足聽聞於人者恐遂泯滅無傳略記一二而知吾父志行宜莫如吾
叔得一言以傳後是與吾不朽也嗚呼余其可以老病辭諸公姓申諱志道字
汝遠鵝洲人高麗孝子按廉使諱祐之八世孫曾大父諱壽屢除寢郎不仕大
父諱元祿號悔堂先生 贈戶曹叅議孝 聞旌閭考諱心司憲府監察妣牙
山蔣氏判書成吉之後 贈叅議崙之女以 萬曆壬午四月戊戌生公于元
興洞里第公資稟明敏孝友出天性又好學出入於旅軒張先生之門為諸友
所推重乙卯丁外艱哀毀盡制奉備母七年色養無違及丁憂戚易得中無憾
于前喪服既闋移卜于下川里屏舉業一室圖書玩而樂之無一毫外物之累

焉鄉人高其行齊薦于邑宰再申于方伯至陞禮部而一命未及焉茲豈非命也邪 崇禎壬午十二月十一日終于正寢享年纔一周甲明年二月二十四日甲申葬于縣東龜川之洞丙向之原距先兆二里許配金海金氏縣監範之曾孫處士紳之女有一男垺即請誌於余者也公不以晚得一子而弛其教導之方卒能世其家二女長適永嘉權以鏐生一女一男次適咸陽朴世綱生一女垺娶士人真城李爾梅女生四男一女長曰承錫餘皆齟齬公雖沈淪於世而胤嗣如是蕃衍天之報施之道其將有待於後日邪嗚呼公處兄弟極其友遇宗族盡其力視諸姪無間已出處事接物一出於誠敬聞人之善猶恐不及見人之惡不置牙頰和氣每發於待人忿怒不施於僕隸此雖公所性者然而苟無平日所養能如是乎先兄晚悟公之喪公扶病來往竭誠營喪諸孤嘗感銘于心為言公不置又以公所嘗言者屬余曰形分一體彼不令者何不由先訓或墜家聲非孝也嗚呼公之可範於後者寧獨此一言已乎是為誌

從弟悅道

十三世諱悅道懶齋公

丙子胡亂在南漢園中寄諸兒書

牢鎖中憤懣無聊近因南來人得聞嶺中義論方張伯氏亦倡師云令人意思差強兄弟同入死地殊可慮念然因此而得遂敵愾之忱誠幸矣不幸而遭顛覆之患一門同作義魄不猶愈於苟生乎近日和議紛紜如吳達濟洪處厚以敢言被譴又以申恂擬望銓官見罷時事從可知矣奈何奈何吾前月遞正言方以騎郎隨行駕後既無言責竟不得一言匡救上負 國家下負亡仲氏公私俱可慟也

墓誌銘 并序

公姓申諱悅道字晉甫自號懶齋鵝洲人高麗時有諱允濡版圖判書生諱祐全羅道按廉使以孝 旌閭曾祖諱壽祖諱元祿 贈通政戶曹參議又以孝

旌閭考諱佺 贈通政承政院左承旨妣 贈淑夫人順天朴氏縣監諱璿
之曾孫展力副尉諱倫之女以 萬曆己丑十二月二十一日生公于義城鄉
校前里第天資瑩然如玉九歲拜旅軒張先生先生奇愛之十餘歲已通經史
善屬文崔訥齋視膏稱其才不止於小成十七被選一道都會十八中進士才
名籍甚甲寅遭內外艱哀慕踰禮辛酉朝廷遣體察使李慶全于下三道取士
公又被選居魁甲子許直赴殿試登乙科立朝三十年敷歷中外在內則由承
文院副正字正字著作博士陞成均館典籍既遞而復為典籍轉直講嘗佐郎
戶禮兵刑工五曹正郎禮兵工三曹入諫院憲府為正言者一為掌令者四前
拜司導寺正後拜司導宗簿正不赴其兼帶則春秋館記事官記注官至於知
制 教則凡除拜常例兼焉在外則鏡城判官蔚珍縣令醴泉郡守綾州牧使
其出使則江原道巡營從事官赴京書狀官至於咸鏡道京試官則不赴焉公
神觀清羸素多病至是益痼已亥四月卒訃 聞命本道別致賻八月葬于縣

南飛亭山午向原嗚呼公質稟粹然無一點滯吝意思無一毫粗厲氣象立雪
玉山門下感發深矣其家居孝友篤至奉祭祀極其誠敬其居鄉恂恂卑讓信
順著於上下其立朝恬靜自守不肯苟同而詭隨以至治州邑以教化為要興
學為先陳疏章輒眷眷於端本典學之說其在南漢園中人皆恒恟苟冀和好
公以死自許製小帶以備襲歛修家書以付蒼頭從容自得如平日非信道篤
而自知明能然乎其四為掌令也 上因事囚諫官公獨怒極言其失忤 旨
而遞所歷州邑皆有治績士民追思立碑以頌德觀民可以觀我生矣好讀書
如朱子節要聖學十圖等書手不釋卷為文纖悉典雅應製多見推應對大國
一行為之閣筆焉臨終神志不亂處置身後事無一語及於家業其平日所守
之正又可見矣配淑人聞韶金氏鶴峰先生之孫從仕郎諱浹之女窈窕靜淑
人謂之兩美必合生壬辰歿庚午葬于縣南五土山庚向之原生五男長熾早
夭無后次坡男三長應錫二幼女五適鄭惟興曹壽昌金命賢餘幼次堪男二

仁錫義錫女一幼次埽男三長斗錫餘幼女二幼次埽男四長富錫餘幼女一
幼女長適金宗源男二幼女四長適鄭其興趙德胤餘幼次適生員權軹早夭
無后側室有二男曰增曰壁銘曰鵝洲之申孝于家世傳芳趾美澤流後裔公
稟淑氣玉質瑩然立雪師門懲室功傳鶴唳聞天平步青雲簡重有晦迹絕權
門厥施未普壽于一州卷懷林泉不怨不尤天胡不憖地不埋名悼道無徵我
銘以貞
通政大夫司諫院大司諫金應祖撰

丹邱書院奉安文

顯允先生淑氣降鍾趾美令祖考德賢師爰暨二兄墳麓唱學簡重有晦鶴鳴
匪諛儒門得人旅評則哲已自妙歲高名四馳舉鶴聞天歷啟華貴西戎內逼
扈駕沁都時人議和抗章論斥朝天海路坦如康莊事由近酋責我潛買呈
書禮部光國之休柔兆下城死以為誓隨身以帶處家以書舍忍南歸遂我初
服斷斷志未北闕于懸屏陳十圖疏論交泰啓沃翼翼百世可師久擬安靈因

循未舉何幸近歲公議僉同緬惟溪翁道同德合亦粵忍翁克紹庭學矜紳合
謨敦議齊享從以昭穆或聯或配一家三賢并徵齊美茲涓吉日爰舉緝儀神
理宜安人情胥悅將事之始敢伸厥彝伏惟尊靈歆我牲醴於千萬年勿替引
之

常享祝文

春秋至義淵源正學墳麓一堂永享千億

後學校理韓山李敦禹

十三世諱夢得左承旨公

墓表

公諱夢得字商卿鵝洲人高麗按廉使諱祐之八代孫也高祖諱始生禦侮將
軍曾祖諱介甫司直祖諱翰 贈通政大夫掌隸院判決事考諱應奎 贈嘉
善大夫工曹叅判妣昌寧曹氏 贈貞夫人嘉靖己亥生萬曆丁未終與前夫
人朴氏同葬于義城西面安平橋洞東甲坐庚向之原夫人考敏樹妣咸陽朴

氏嘉靖庚子生隆慶己巳終生三男一女長之孝次之悌登己丑甲科官至同副承旨有功蒙推 恩次之信女適金希孟後娶高敞吳氏生四男之義之行敬之訓弱冠天第五子之行出為同生弟判尹公諱夢弼後以財補 國除同知中樞府事蒙追榮三代長孫命羲有三男其餘內外孫合五十餘人後夫人墓在前

孫進士弘望書

吳氏墓前碣陰

夫人左承旨申夢得之妻考諱士翼妣咸昌金氏嘉靖丙辰生天啓癸亥終有四子見承旨公碣陰

十四世諱之悌梧峰公

夢見先君對燈笑語著半紫衣死如平昔歡然如有得却念非真悵然乃覺

半白鬢眉半紫衣對燈顏面笑談微多情蝴蝶將何挽心怕歡情覺後生

孟秋十九日述感懷

不忍平生讀夢我高秋此日熱中多眼前鍾鼎榮何有夢裏松楸歲屢過有意壁間看乳鷲無心席上酌流霞天荒地老孤兒痛忽忽如今鬢已皤

記見

有鵲巢城樹養雛日殷勤羽翼未及成出巢離其羣翩躚落地下躑躅翔且奔莫黑雙大鳥見之來相侵欲飛不可得蒼黃入棘林母鵲驚飛來回翔起哀音逐鳥啄其背鳥乃終飛去徘徊鳴不已顧復雛在處物性良不昧保雛亦有智深恐惡鳥知翔集不同地藏雛城北叢自止城南枝衆鳥更來窺良久不得知從來母子情物我固其然伊人忽有感惻惻雙淚縣

無題

世人愛金銀山翁愛糞土何以愛金銀富貴坐可賭何以愛糞土稼穡實多苦山翁鼓腹卧雖苦無敢侮世人屏息行雖樂亦何補畢竟忘得失歸問無是叟

偶綴無體格

恭惟古聖賢心事正如白日青天若論大丈夫行藏當似貞松老栢身外莫走
吳越眼前自有唐虞路可南北東西楊生虛慟色宜青黃赤墨墨子浪悲著脚
風靡波蕩之中千仞壁立安心火熱冰寒之際百鍊金剛陞沈夢中寒暑度外
旁蹊曲徑慎無落彼蕪蕪正路坦途幸須鞭我騏驎叫迴醉夢身世尋向安樂
生涯白雲青山為藩籬為屏障清風明月是賓僚是朋儔煙閣雲臺天上羣雄
任經濟石田茅屋物外散人賦歸來養於粥於有銘優哉游哉卒歲

墓碣銘 并序

公姓申諱之悌字順夫號梧峰鵝洲人鼻祖諱允濡高麗版圖判書生諱祐全
羅道按廉使有孝行 旌閭曾祖諱翰 贈掌隸院判決事祖諱應奎 贈工
曹參判考諱夢得 贈左承旨妣 贈淑夫人月城朴氏以嘉靖壬戌七月辛
丑生公少力學己丑擢文甲科由司贍寺直長轉典籍監察出為禮安縣監

峰金先生惜其去勉留之公為便養赴任壬辰八路劄於兵公糾傷合進駐龍
城欲遏賊聞者壯之巡察使以公獨能不失官守 聞命兼禮曹正郎異數也
丙申以體府 啓仍任丁酉拜正言自是至于丁未於內除禮曹佐郎正郎再為
持平文學兼知製 教於外為全羅都事全州江界判官巡察體察統制三
營從事官夏遭內艱廬墓終三年戊申 宣廟上賓時事一變公未免沉冥卑
冗除工曹正郎忠清全羅都事此評事癸丑拜昌原府使有獷敵據島出入焚
掠隣邑莫能制公設方略悉捕之事 聞增秩陞通政癸亥 仁廟改玉朝廷清
明拜同副承旨以病辭公素患風痺至是疾力甚甲子正月八日終于正寢同
年月日葬義城縣西栗谷之亥向原先是甲辰公叅宣武扈 聖勲丙戌追
贈吏曹參判嗚呼公天資醇粹儀度秀偉西厓柳先生嘗稱其為第一人物旅
軒張先生亦以為賢人稱道不已性篤孝八歲時持母夫人喪如成人事繼母
吳氏盡孝當其末疾奄奄語不可了猶亟問親瘠既絕乃已愛 君憂國出於

至誠嘗聞廢主遜位時事為之泣然流涕風流篤厚律已甚嚴人有要公見權
宰者公謝不敢仍諷戒之其人不能從未幾果被禍憲府遇灾將陳劉屬公構
卓語觸權奸為同列所沮即呈告下鄉鄭仁弘勢焰薰灼公往近境六暮一不
染迹仁弘心服公政治不敢修郤尤留意文教禮安全州昌原之政一以興學
為先務於禮安每至陶山招諸生講學不怠夫以公德之厚才之偉乃不得與
顛天輩齊驅而并美其如天何哉配貞夫人咸安趙氏 贈刑曹判書址之女
生癸亥沒庚寅祔葬于栗谷生一女適進士李舉一男曰弘望今豐基郡守有
男三漢老漢傑漢伯女十柳重河金時任李朝衡任世準都爾高權休朴文約
朴望之李國馨李隆逸曾孫男女若干人公在禮安當大饑血誠分賑秀邑皆
歸之所全活累千人公特無嗣夢神人告曰積善之家當生貴子庚子果生男
即豐基公也有才行見重於士類豈終屈於下邑積善餘慶其理有必然者銘
口版圖之業按廡是繼孝思感神苟生泣灑厥緒遙遙慶毓于公資稔以粹學

博而通鸞鳴桂樹鳳儀明庭縣州不卑臺省非榮乃應時須屢佐幕府鐵券勳
名寔罕 恩數中遭不辰外符長縣日月重明寵擢最先方期展布胡不憇遺
尚有典型芳傳白眉王公不做于門必大莫謂天高此理非昧年月日通政大
夫弘文館副提學知製 教兼 經筵叅贊官春秋館修撰官金應祖撰

藏待書院廟宇上梁文

先賢設教於人既垂啓佑之範後學宜祭於社敢稽崇報之方歛爾芻蕘之成
惟然燕賀之集顧惟聞韶大縣素稱文獻名鄉壤接花山山挹屏嶽之秀氣波
連洛水水停川谷之淵源扶輿淑靈之氤氳亭育人才之翁蔚豈無氣節忠義
之士往往能死於君亦有功名文翰之臣班班可考於史嗚前後者雖衆語師
表則其誰伏惟梧峰先生孝友闡門儀範鄉里學益力於負笈園木有根志恒
切於克家庭樹稱寶粵自八齡之歲已知百行之源家傳忠孝之餘風無忝厥
祖廬次哀戚之盡禮不勉而能逮其通籍於鵬班有此揚庭之鴻烈青冥白簡

凜鐵鉞於筆鋒皎日秋霜破姦軌之鬼膽道進退之有裕任內外而俱宜無澤
 知州幾見學宮之築文翁在郡便致儒化之成當龍蛇竭角之辰聿追真卿之
 奮義值羊犢首之日復覩富弼之賑飢惟其發於用者裕如蓋亦養其本也
 深矣早悅聖賢之道寧論北學之陳良常恨我生之遲更後東方之朱子踐履
 之篤實如此造詣之淺深可知念靜樹之風撓却忘惻懷之在己悲西山之日迫
 竟致勞悴而傷生敦俗明倫可為教於百世捨命徇孝尚何憾於九原固至行
 既篤於生前而高名益彰於身後挹遺芳而起敬仰末照而翹心爭切嚮往之
 懷矧伊邑子之慕風聲既洽宛美塲之猶存軌躅漸陳柰泉壤之難作所謂鄉
 先生歿而祭於社者賢諸士大夫則曰信然肆篤尊賢之誠爰諏妥靈之典禮
 茲藏待之地蓋有家塾之堂仍舊貫如之何是平日杖屨之所及倘新額揭於
 此亦前賢錫名之維嘉少長不謀而齊聲遠近合辭而陳力地與我所其水某
 丘人有秉彝載忻載悅多士釋經而敦事庶民趨後而承風陳留尾且陳公告

鬼輸而神運魯般藝公輸巧或左鋸而右斧忽見數楹之翠飛爭騰一縣之崔
 躍登降灌薦之有位得其度得其宜必芬祀事之於斯美哉輪美哉奕奕兀見
 此屋人皆謂秩秩斯干洞開如我心孰不曰噲噲其正屬虹梁之就駕競雷奔
 而奏功盛事可傳於簡編喜觀士子之慶末技雖媿於椽筆願相兒郎之謠茲
 賦一言聊陳六偉

拋梁東窓外朝看旭日紅靈鳥莫愁樓未得一山秋色滿梧桐
 拋梁西茅塞新開萬壑磳蒼翠千層相對揖先生高節與之齊
 拋梁南風詠臺前捲夕嵐孺子不須歌濯足洗心仍有碧流涵
 拋梁北昭儉還有屏白石認是聲名斗極縣樞醒夜夜清輝射
 拋梁上雲清玉宇知昭曠靈臺會與太虛同霽月當軒尤可尚
 拋梁下此道平常知者寡入德端由孝悌求當行日用誠非假
 伏願上樑之後人知趨嚮士有依歸終其牖窓念柯則之不遠瞻彼棟宇崇山

我州七壽車田
仰之彌高無取曠宅之譏勉追入室之喻丹雘增彩偕聖道而俱明文物重新
埒名址而共壽

奉安文

顯宗壬子敬亭先生合享時

懿德之好無間哲思寔出彝秉神明之享報侑是圖宜由誠敬至行敦薄高風
激渝在古罕併柯則非遠粉榆接區粵有先正山嶽我鎮星斗我旰我思則永
有儼書屋略備規模依如檀杏俎豆斯設聲氣相孚公議已定迨惟往躅誦其
典謨若接歎警顯允梧峰天賦特殊孝家餘慶墳唱箎和規步端趨惕若三省
戒色之年目不視姝淫邪自遊大鳴 王庭初闢晉途專城卽請遭亂忘身周
窮恤孤義烈炳炳傷府避驄合浦還珠水清桂勁時運一變憂樂江湖惟安義
命終慕蓼莪老篤烏哺曾閔之行推而友愛一視髮膚祥覽之性卓彼敬亭玉
衡水壺風儀俊整學窮天人才駕王蘇大名早騁獨立昏辰正論是扶羣小縮
躡蹻苑高駝血與齋聖望屬文柄退之祭經李札觀周夷夏稽古

路崎嶇曲難和郢一室蕭然左右書圖跡射李孟樂行憂違閭與道俱不容何
病知命之陶獨樂之迺異世同靖惟茲兩賢揆若合符德隣輝映矧伊吾徒逮
蒙趨隅呼寐喚鶯羹牆儼然三十年踰肇自今幸清流映帶林壑盤紆地勢潔
淨爰有同好鼎來于于日吉辰令聿安神位虔誠穆愉肅肅門屏神庥佑我燭
我昏衢磨我古鏡民俗歸厚士習變汚文明一境

金啓光

常享祝文

真純碩德孝友至行鄉邦範則多士起敬

宣城李惟樟

十四世諱之問訓導公

事行拾錄

公諱之問職銜鴻山訓導姓申而氏鵝洲始祖諱英美高麗權知戶長十代祖
諱允濡判書以直鳴 忠烈朝九代祖諱祐按廉使以孝感竹祖諱應璧參奉
考諱弘俊訓導妣沃川高氏外祖諱應廷縣監生卒年月日表德堂號并逸未

詳衣巾之藏在義城鳳陽坊老梅村后壬坐之原配多仁黃氏護軍仁富女生卒年日亦逸不傳墓在公塋後同坐有二男一女男長汝温觀象監叅奉次汝良武科女青松沈徵進士汝温男命漢沙斤察訪女長宋安民次殷宗遠汝良男長漢廣武科次漢鼎女長海州兵後元次密陽朴遂初曾孫以下不錄噫公即梧峰先生之從祖兄弟而內紹家庭之詩禮外擁懿親之藩籬學遠行篤名高望重而磨竭值命生不展抱沒無徵攷而惟有花田之牒晚悟之輓後先發見牒註十二字孝友天至文詞典雅望重一世輓詩四十言吾門衰替甚零落幾人存川院尊同榻禪窓共對樽浮生如幻夢後死獨傷魂他年花樹會難開長者論實鳳去遺彩蘭化餘香足以想公精神影響矣公之十二世孫泓痛先蹟之沉悔滋然謂余曰祖先有美而不知不明也知而不傳不仁也傳而浮實反忝也願為之從實叙述使免不仁反忝余辭不敢而終不獲謹序次如右而為公事行之拾錄以待他日秉筆君子之採擇爾宗後孫翼煥謹撰

十四世諱之信獨此公

行略

公諱之信字立夫性仁厚温雅有孝友至行待人誠意藹如無不悅服文詞早達善詞賦連居解魁中年廢舉業安養以終蓋其志操恬靜無意外慕也至今遠近士友皆稱道嗟惜載聞韶誌